

ORATIONES
NONNVLLORVM
GRAECIAE PATRVN


E BIBLIOTHECA ACHILLIS
STATII LVSITANI
DE PROMPTAE

Eodem interprete.

5 1/2



674.3



48.
GREGORIO. XIII.

PONT. MAX.

Achilles Statius Seruus Sal.



I Quid est animis
hominum leuan-
dis oblectandisq.
oportunum ma-
xime adcommo-
datumq., ea vero

est ipsa pulcherrimarum rerum va-
rietas, e qua non solum, qua delecta-
mur, mira quaedam atq. elegans spe-
cies existit, sed incredibilis quoq.
voluptas capitur. Vides admirabi-
lem hanc opificis Dei molitionem,
terram, dico, mare, caelum; quanta
porro summus haec artifex varieta-
te distinxit, vel pinxit potius. Cae-
lum sole, luna, siderib. noctu, inter-
diu tamquam gemmis varie micat.

Mare

Mare ferum, nec vnus generis fe-
rax, incredibili copia, cum animan-
tium, tum animae quoq. rerum ex-
pertū scatet. Terra vero adridens
ipsa, quas mortalib., quā varias vn-
diq. vel sponte sua, vel colentib. grā-
ta, voluptates fundit. Namq. annū
cum tempestatum varietas mutet,
tempestas tamen suas quaeq. iucun-
ditates habet. Maxime vero haec
ipsa nunc, cum pubescētis anni ite-
rum laeta facies minus gratae hie-
mis tam multiplici e florib. odorū,
colorumq. suauitate taedium discu-
tit, oculos pascit, animos recreat.
Cuius ego temporis amoenitatem
imitatus, ex vario librorum veterū
genere, quorum habeo festiuam sa-
ne copiam, lucubrationes virorum
auctoritate, doctrina, sanctitateq.
praestantium, carptim quasi floscu-
los legi, quorum fasciculū, pretio-
sum

sum magis, quam amplū, tibi GREGORI Pontifex Maxime, quanta maxima possum animi alacritate, ac deuotione nunc offero, quo cum primis grata dulciq. ingeniorū varietate, pie profecto atq. honeste fectum curis animum leues. Quod si, vt spero, meo hoc munusculo consequeris, pergam equidem hac ipsa te tot tantisq. distentum negotijs varietate saepe reficere. Vale.

Dat. Romae. Kal. Maiis. Anno Sal.
clō ID LXXVIII.

NILI ABBATIS ANTIQVISSIMI
AC SANCTISSIMI VIRI
EPISTVLAE TRES, VT
SVNT IN VETERI
LIBRO

Achillis Statij Lusitani.
Eodem interprete.

Nilus Theocli presbytero.



QUEM saluum esse voluerit Deus,
terrebit eum, varijs casibus iacta-
bit eum, contristabit eum, ne quē
illi efferendi sui locum, ac tempus
relinquat. quemadmodum dulcis,
peritissimusq. Sirach inter cetera, quae valde vri-
Eccli. 30 lia composuit, atq. conscripsit, Qui, inquit, dili-
git filium suum, adfiduatur illi flagella. Nos vero
2. Cor. 6. sincera fide supremi Dei filij omnino sumus, &
2. Cor. 4. castigamur, nec mortificamur; & deicimur, sed
Exod. 3. non perimus. Nec enim rubus olim ardens com-
bustus est.

Idem Petro.

NON umquam otioso esse animo licet, sed
nec ab scripturarū meditatione, nec ab ora-
tionibus, nec ab spiritualibus canticis, & inlustri-
bus iustitiae operibus vacare; ne, dum nos ipsi ne-
glegimus, studium atq. ardorem caritatis per so-
cordiam

52
cordiam amittamus. Nonnullorum, quos peccatorum suorum minime paenitet, corpora vexat, atq. exercet dominus, vt eorum malis, diligentiores paullo atq. intellegentiores, a peccatis se reuocent suis, ac corrigant, nec quamuis minimam in se culpam diutius haerere patiantur.

Idem Anastasio.

Nolis temptationibus statim eripi, sed aequo animo perfer, ac dura, quoad videlicet providens Christus velit, qui quae ad te pertinent, omnia sapienter ordinat. Vides, vt nec de prima, nec de secunda, nec de tertia, sed de quarta de- *Marci. 6.* mum iam labiae noctis vigilia adfuit dominus ijs, quos tempestate, fluctu, ingentiq. metu probans exercebat. Coronas enim non nisi labor sudorq. contexunt.

Has Nili Abbatis summi viri Epistulas ad extremum reieceramus. Sed casu, an errore huc inciderunt tamen. Quas alienum locum occupare maluimus, quam mouere, ac nullas legi.

INDEX ORATIONVM,
quae hoc libello continentur.

- I. **S. IOHANNIS** Chrysoſtomi Archiepiſcopi Conſtantinopolitani Oratio de inſtituenda ſecundum Deum vita, & Dominicae orationis explanatio. pag. 1.
- II. **Eiusdem** Oratio in Natalem Domini noſtri
IESV Chriſti diem. pag. 15.
- III. **Eiusdem** Oratio in ſancta Theophania. pag. 21.
- IV. **Eiusdem** Oratio de David Propheta. pag. 27.
- V. **S. Gregorij Nyſſeni** Epifcopi Oratio in Abraham, & Iſaac. pag. 37.
- VI. **S. Athanaſij Alexandrini** Archiepiſcopi Oratio in magnam Paraſceuen. pag. 42.
- VII. **S. Amphiloſchij** Iconij Epifcopi Oratio in Sabbati ſancti diem. pag. 49.
- VIII. **S. Gregorij Antiocheni** Epifcopi Oratio in divini corporis ſepulturam magni Dei, & Salvatoris noſtri *IESV* Chriſti; & in glorioſam a mortuis eius triduanam Reſurrectionem, & in Ioseph ab Arimathea. pag. 55.
- IX. **S. Sophronij Hieroſolymorum** Epifcopi Oratio in exaltationem pretioſae, ac vinificaе Crucis, & in ſanctā Domini Reſurrectionē. p. 68.
- X. **S. Cyrilli Alexandrini** Archiepiſcopi Oratio in parabolam vineae, Simile factum eſt regnū caelorum homini patriſamilias. &c. pag. 75.
- XI. **Marciani Bethleemitae** fragmentum. pag. 79.
- XII. **Nili abbatis** Epiſtulae tres.

S. PATRIS NOSTRI
IOHAN. CHRYSOSTOMI
ARCHIEPISCOPI CONSTAN-
tinopolitani, de instituenta secundum
Deum vita Oratio, & dominicae
orationis explanatio

Achille Statio Lusitano interprete.



M N I S Scriptura diuinitus in spi-
rata dum legitur, attentis animis
adfert notitiam pietatis. Sed pro-
fecto euangeliorum sacrosancta
descriptio longe praestantiorib.

documentis excellit. Quae enim in his exstant
eloquia, summi sunt regis oracula. Quamobrem
horribile prorsus ijs, qui quae ab eo praecepta
sunt, verè non obseruarint, impèdet supplicium.
An si quis ciuiles magistratuum terrenorum le-
ges transiluerit, necessarias omnino poenas luet,
caelestis domini iussa detractans intoleràdis cru-
ciatib. non adficietur? Cum sit igitur parum at-
tenti animi tantum periculum, ad ea, quae iam le-
cta sunt ex euangelio audienda, animos acriter
intendamus. Quae sunt autem illa, quae, inquā,
sunt? Angusta est, inquit, porta, & arcta via, quae du *Matt. 6.*
cit ad vitam, & pauci inueniūt eam. Horum ego
frequens auditor verborum, inanissimis in rebus
hominum posita studia vehementer admiror.

A Omnes

Omnes enim lata gradiuntur via. omnes rebus inhiant praesentibus, futurarum curam, cogitationemq. nullam suscipiunt. Siquidem corporis voluptates vsquequaq. consecretantur, animas vero fame sinunt contabescere. Cumq. cotidie infirmita prope vulnera accipiant, eorum, in quibus sunt, malorum sensum prorsus habent nullum. iidem adfectis corporibus eos adeunt, qui mederi queant. hos domum remittunt conductos, & mercede onustos maxima. tolerantiam vero summam praestant, & curationem sustinent laboriosam, quo valetudinem consequantur corporis, adfectae vero animae omnino neglegentes expetendam in primis eius sanitatem contemnunt. Neq. vero eos latet, mortale corpus esse ipsum, quodq. facile corrumpatur, vernantium florum simillimum; sic enim, ut illi, marcescit, corrumpitur, emoritur; animam autem immortalitate praeditam animalis ipsius creditum sibi clauum tenere. Quod enim est auriga currui, rector naui, fidibus musicus, idem huic esse terrestri vasculo, qui finxit illud, animam voluit. Haec habenas continet, haec moderatur clauum, eadem fides pulsatur. quae cum scierit hoc fecerit, concentum reddit undecumq. suauissimum. Sin autem vel remiserit, vel praeter modum sonos intenderit, arte prorsus & harmonia deficitur. Huius ergo animae curam abiciunt multi mortales, totum uitae tempus curandis impendunt corporibus. Atq. hi quidem nauticum. vitae genus amplectuntur, & cum ventis fluctuq. pugnautes dubia semper spe uitae nor-

tem

tem secū circumferunt. Namq. spes omnis salutis, exiguas admodū in tabulas contulerunt. Illi uero studiose colendis agris insudant, boues iungunt, terrā proscindunt, nunc quidem sementē faciunt, & metunt, nunc uitem instituunt, & uindemiam faciunt. quibus omne tempus eiusmodi faciundo opere misere labitur. Alij mercaturam secuti, terra mariq. peregrinantur. solum alienum suo praeferunt, patriam, gentem, amicos, coniugē, liberos, haud magni caussa compendij deferunt. Sed quid attinet, artes omnis colligere, quas in vsum corporis commentus est homo, quibus in artibus uersans perdius, & pernox, curandi illius omnem sibi rationem comparauit, animam uero esurientem, sitientem, aurentem, squalentem, & innumerabilibus adfectam incommotis omnino contemnit? Atqui tanto sudore, ac labore mortale corpus a morte non uindicat, animam uero ipsam inmortalem una cum mortali corpore supplicij addicit immortalibus. Tantas igitur animis hominum ignorantiae offusas tenebras, ijsq. crassissimam insidentem nebulam uehementer dolens, equidē uellem dari mihi uocem eiusmodi, quae ab ultimis usq. totius orbis terrarum finibus exaudiri, & ad omnium, qui uiuunt, aures peruenire posset; ut & gemens, & vociferans Dauidicum illud summa contentione uocis ederem, Filij hominū usquequo graui corde, utquid diligitis uanitatem, & quaeritis mendaciū? Cum terrenis caelestia, cum aeternis temporalia, cum corruptibilibus incorruptibilia

Psal. 4.

Matt. 7.

commutantes, quousq oculos clauditis, aures ob-
 turatis, neq. diuinā uocem singulis inclamantem
 diebus auditis, Petite, & dabitur uobis, quaerite,
 & inuenietis, pulsate, & aperietur uobis. Omnis
 autē, qui petit, accipit, & qui quaerit, inuenit, &
 pulsanti aperietur. Quia uero nonnulli infirmio-
 res sunt, & ad temporalia ualde propensi, ac pro-
 cliues, hiq. carnalibus dediti cogitationib. indul-
 gent, ac pro suo genio, uiuendiq. ratione preces
 adhibent; propterea nostrum omnium commu-
 nis dominus precandi nobis formā, rationemq.

Matt. 6.

praecepit illis uerbis, Orantes autem, nolite mul-
 tum loqui, sicut ethnici. putant enim, quod in
 multiloquio exaudientur. Multiloquium uocat
 eam, quae fit abundantia uerborum, inanem lo-
 quacitatē. Ergo loquacitatem prohibens domi-
 nus, significat accedentes ad se non debere cadu-
 ca, & fluxa, non corporis postulare pulchritudi-
 nem, quam tempus consumit, ualetudo corrup-
 pit, ac perdit, mors omnino delet. Est enim for-
 mae ipsius flos minime diuturnus, quem breuis-
 sima iuuetas extulit, uetustas temporis iam iamq.
 corrumpet. Siquis autem formae naturam, qui-
 busq. reb. ea continetur, exquiret, ille uero tum
 magis hanc despuet; neq. enim est aliud forma,
 nisi pituita, sanguis, fluxio, cibiq. demum confe-
 cti fucus. hinc enim oculi, genae, nares, superci-
 lia, labra, ac totum deniq. corpus inrigatur; quae
 si desinat inrigatio, et illa formae ipsius uenustas
 simul esse desierit. Neq. uero postulandum pecu-
 niae uim, non opes, quae aquarum instar fluui-
 alium

lium & adfluunt, & effluunt, nunc ad hunc quidem, nunc uero ad illum transeunt, ac possessorem facile fugiunt, & apud sui etiam amâtes hâere nesciunt. insidias uero multiplices habent, tinearum, furum, calumniatorum, incendiorum, *Matt. 6.* naufragiorum, bellicarum incursionum, rebellatium populorum, seruorum auidorum, & cum de litteris, ac chirographis uel tolluntur aliqua, *Luc. 16.* uel isdem adduntur, uel per imitationem adfin-
guntur, quæq. multa alia auaros pro ipsorum cupiditate sequuntur incommoda. Non dominatus, ac dignitates postulandû, quas permulta tristia, & per pestu graua consequuntur, curarum tabes, atq. edacitas, iugis insomnia, inuidetium insidiae, inimicorum hostiles machinationes, compositis ad fraudem uerbis ueri occultatrix, ac subdola rhetorum argutia iudicib. ipsis fere suspecta, ac periculosa. Sunt, inquam, sunt multiloqui *1. Tit. 10* nonnulli, & uaniloqui, haec & his similia ab omni-
um Deo postulantes. Neq. uero quod medicorum est, medicum quisquâ docer; sed quidquid ille adhibuerit in quantumuis difficili curatione, aequo animo sustinet. Neq. uectores rectori nauis tenendi clauis rationem ullo modo praecipiant, sed in foris ipsis, non in secunda modo nauigatione, sed in summo etiâ periculo illius arte contenti sedent. Vni tantum Deo, qui quae cuiq. sunt usui, *Matt. 6.* dare adprime nouit, cedere, seq. ipsos nolunt per-
mittere; quae perniciofa sunt, perinde ac si essent utilia, poscunt. Prorsus similes aegrotantibus, qui sibi a medico dari postulant non ea, quae se

morbo liberent, sed quae morbi causam potius
 augeant. verum medicus laborantis preces non
 audit, immo uero si flentem illum, eiulantemq.
 uiderit, artis ipsius praeceptis obtemperabit po-
 tius, quam ut illius flectatur lacrimis. Atq. huius
 nos quidem, qui aegrotum non audit, non in hu-
 manitatem, sed humanitatem interpretaemur.
 etenim si aegrotanti morem gessisset, & eius in-
 dulisset uoluptati, fecisset utiq. hostiliter; dum
 uero contendit, ac renititur, & illius repugnat li-
 bidini, misericordia in illū atq. humanitate usus
 esse existimatur. Eodem prorsus modo nostrarū
 medicus animarum non quae nobis fraudi po-
 stea futura sint, dare sustinet. neq. enim parentes
 ipsos, quos amant, paruulis adhuc filiis, uel gladi-
 os, uel ignitos carbones adduci possunt ut porri-
 gant, quippe qui, quanto illis malo futurum sit
 quidquid dederint eiusmodi, non ignorāt. Non-
 nulli uero ad extremam prolapsi dementiam, nō
 solum pulchritudinem, copias, potentatus, cete-
 raq. eius generis a Deo omnium postulant, sed &
 inimicis inprecantur suis, omniq. eos supplicio
 excruciaci perunt, et quem sibi aequum, ac beni-
 gnum exoptant, inimicis esse intem, atq. inhu-
 manum uolunt. Quae nimirum prouidens do-
 minus, ante compescit, ac reprimat, ac ne multū
 loquamur iubet. Tum quae dicenda sint orantib.
 simul etiam omnem uirtutem breuiter, & accur-
 te docet. Cuiusmodi uero ea sint, quisue sit eorū
 sensus, ac ratio diligētissime exquiramus, & tam-
 quam leges a Deo latas non dubitanter obserue-
 mus.

mus. PATER NOSTER, QUI ES IN CAELIS. *Matth.*
 O amoris abundantiam, o dignitatis excellentiā. 6.
 Et quae tandem agēdis gratijs par sit oratio apud
 ipsum tot tantaq. nobis bona profundentem De
 um? Tuae, meaeq. naturae indignitatem, amabo,
 tantisper inspicere, dilectissime. scrutare cognatio-
 nem tuam, terram, pulverem, lutum, laterem, ci-
 nerem. e terra enim ficti, in terra uitam degentes,
 in terram demum reicimur, ac reuertimur. Quae
 tu cogitans perculso animo inexplicabiles largae
 illius in nos diuinae bonitatis opes admirare, qui
 talem, ac tantum uocare patrem es iussus, terre-
 nus caelestem, mortalis inmortalem, corrupti-
 bilis incorruptibilem, temporalis aeternum, he-
 sternum ac nuperam lutum, ipsum, qui est ante
 saecula, Deum. Sed profecto non tu uocem eius-
 modi frustra doceris mittere. nimirū, ut ad eam,
 quam lingua tua protulit, appellationem patris
 erubescens, eius imitari bonitatem discas. Estote, *Matth.*
 te, inquit alibi, similes patris uestri, qui in caelis 5.
 est, qui solem suum oriri facit super bonos & ma-
 los, & pluit super iustos & iniustos. Vocare
 enim benignum ipsum Deum patrem nō potest,
 quisquis est inhumano, atq. efferato animo.
 namq. patris caelestis notas, ac signa bonitatis nō
 retinet, sed ferinam potius formam induit, atq.
 illa diuinae bonitatis excellētia degener excidit,
 iuxta illud beati Dauid, Homo cum in honore *Psalm.* 48
 esset, non intellexit, comparatus est iumentis in-
 sapientibus, & similis factus est illis. Etenim qui
 taurino more exultans cornu petit, ut iumentum

calce ferit, ut camelus iniuriæ meminit, ut ursus
uorat, ut lupus rapit, ut scorpius uerberat, subdo-
le agit ut uulpes, adhinnit ad feminas instar equi
mulierosus, qui possit hic dignam filio uocem
mittere, ac parentem suum Deum uocare? Quem
hunc igitur appellemus? beluam? at beluæ singu-
læ singulis horum uitijis insignes sunt, hic uero
unus omnia ad se uitia cōtrahens, ut illae quoq.
rationis sit expers ipsius. At quid dixi feram, qui
sit ipse fera importunior, atq. inmanior? Etenim
ferae quamuis suapte natura inmites, hominum
tamen arte inductæ saepe cicures fiunt, atq. man-
suescunt. hic uero homo cum sit, illarum insita
feritate suam ipse mansuetudinem commutans,
quam demum caussam adferet, quod ingenium
illud, quod sibi mite, ac mansuetum natura de-
derat, ad alienam prorsus feritatem transtulerit,
& quod erat natura ferum, mite reddiderit, se ue-
ro mitem natura, ferum fecerit? Namq. leonem
demulcens, ac mitigans ad homines adsuescere
condocefecit, animum suum leone reddidit in-
tractabiliorem. At in leone difficultates, & impe-
dimenta duo sunt maxima, et quod est natura ra-
tionis expers brutum animal, & quod est ipsum
ceterorum omnium atrocissimum, & tamen arte
ac diuinitus data sapientia ferum animantis in-
genium victor domat. Atq. hic quidem ferarum
domitor, & insitum natura, & suapte sponte atq.
consilio susceptum mansuetudinis bonum per-
dit. leonem facit hominem, se ex homine factum
leonem pro nihilo ducit. Illi quæ supra natu-
ram

tam sunt impartiens, sibi quae naturalia sunt, ne-
 gat atq. inuidet. Qui tandem igitur hic, cum sit
 eiusmodi, appellare Deum parentē queat? Quis-
 quis igitur in proximos benignus, ac mitis, qui
 nec in se peccantes ulciscitur, sed beneficio potius
 iniuriam pensat, ille uero Deum patrem quod
 uocat, reus non peragitur. Tu autem orationis
 vim, ac magisterium diligenter aduerte, utq. mu-
 tui leges amoris alterutrum ut diligamus, ferat.
 Etenim amoris in adfectum inducens omnes, &
 tamquam inligans, atq. innectens, dici noluit, Pa-
 ter mi, qui es in caelis, nimirum qui communem
 patrem nos habere docti sumus, fraternam quoq.
 inter nos esse beniuolentiam demonstramus. De-
 inde terram, ac terrena omnia relinquentes, ne
 ijs, quae infra posita sunt, inhiemus docet, sed fi-
 dei sumptis alis aëra transuolemus, caelum con-
 scendamus, et quem vocamus patrem, quaeren-
 tes iussit dicere, PATER NOSTER, QUI ES IN
 CAELIS. non quasi in caelis tantum Deus sit, sed
 ut humi iacentes, ac volutatos ad caeli suspectū
 ipsius exciter, utq. caelestium bonorum pulchri-
 tudine collucens ipse cupiditatem nostram eo
 rapiat atq. cōuertat. Aliam deinde orationis par-
 tem addit dicens. SANCTIFICETVR NOMEN
 TVVM. Nequis vero insipienter existimet sancti-
 tatem Deo aliquā adiunctā a nobis, ac tributā, eo
 quod dicimus, Sanctificetur nomē tuū. est enim
 sanctus ipse, & vndiquaq. sanctus, ac sanctorum
 sanctissimus. hanc enim illi laudē nullo umquā
 interruptā silentio magnis Seraphim concinunt
 clamori-

Esa. 6.

clamoribus, Sanctus, Sanctus, Sanctus dominus
 sabaoth, plenum caelum, plena terra gloria
 tua. Sed quemadmodum ij, qui regib. acclama-
 tiones faciunt, reges eos, imperatoresq. nomi-
 nant, non quo id quod habent eis tribuant, sed
 ut quod habent, adprobantes laudent; ita nos
 quoq. non quasi ei nulla insit, sanctitatem Deo
 tribuimus illis verbis, SANCTIFICETUR NO-
 MEN TVVM; sed eam, quae inest, laude adfici-
 mus. pro eodem enim Sanctificetur, omnino
 dixit, quod glorificetur. qua tamen ipsa voce eti-
 am erudimur, virtuti ut conuenienter viuamus;
 quam nostram in vitam inspicientes, atq. intuen-
 tes homines patrem nostrū, qui in caelis est, glo-
 rificent. sic enim alibi, Luceat lux vestra corā ho-
 minibus, ut videant bona opera vestra, & glorifi-
 cent patrem vestrum, qui in caelis est. Secundum
 haec edocemur dicere, ADVENIAT REGNUM

Matth.

5.

TVVM. Namq. perturbationum corporaliū op-
 pressi tyrannide, & innumerabilib. temptationū
 impressionibus adpetiri, Dei ipsius egemus re-
 gno, ne videlicet peccatum regnet in mortali cor-
 pore nostro, ut oboediamus ei in concupiscentijs
 eius, neq. exhibeamus membra nostra arma ini-
 quitatis peccato, sed ut exhibeamus arma iusti-
 tiae Deo. Militemus igitur rerum aeternarum re-
 gi. Ad haec docemur praesentē vitam non vsque-
 quaq. caram habere, sed praesentia, ut praetere-
 untia contemnere. ad ea vero, quae futura sunt,
 utpote stantia, ac permanentia, adspirare, regnū
 illud caeleste, aeternum, quaerere. nec saeculi hu-

Rom. 6.

ius

ius teneri nos patiamur voluptatib. non corporis elegantiam, non pecuniae magnitudinem, nō possessionum abundantiam, non gemmarum magnificentiam, non inmanes aedium substructiones, non dominatus, non imperia castrorum, non purpuram, non diadema, non exquisitas, & accurate conditas epulas, non delicias, neq. si quid est aliud, quod sensus nostros inducere, atq. inescare possit; verum multa his omnibus salute dicta, regnum Dei vnum identidem expetamus. hanc quoq. enim virtutem nos docuit, cum iussit dicere. FIAT VOLUNTAS TVA, SICVT IN CAELO, ET IN TERRA. Futurarū enim rerum amorem, & caelestis illius regni cupiditatem vbi indidit, facit vt illius percussī desiderio dicamus, FIAT VOLUNTAS TVA, SICVT IN CAELO ET IN TERRA. Da nobis, inquit, domine eius, quae in caelis agitur, vitae rationē sequi, vt quae vis ipse, velimus etiam ipsi. Opitulare animae nostrae laborantis proposito, & quae tua sunt, agere cupientis, verum impeditae corporis infirmitate; conantib. currere, sed claudicare tamē coactis manum porrige. subuolantem animam caro deprimit, illa quidem velox it ad caelestia, haec autem ad terrestria grauis defertur. Adsit modo auxilium tuum, erunt possibilia, quae videntur nimis etiam impossibilia, FIAT IGITVR VOLUNTAS TVA, SICVT IN CAELO ET IN TERRA. Quia vero terrae meminit, ijsq. qui e terra procreati sunt, in ea. versantur, & corpus inde cōcretum gerunt, eiusdem quoq. generis cibo est opus, necessario subdidit,

subdidit. PANEM NOSTRUM SUBSTANTIALEM DA NOBIS HODIE . Panem iussit poscere substantialem, non vitium, sed victum, qui quod decedit corpori, suppleat, eamq. quā adfert inedia, mortē arceat. nō instructas dapibus mensas, nō ferculorū missus varios, nō in condiendo varia cocorum inuenta, non pistorum artes, non vini miram fragrantiam, quaeq. alia palatum delectant, ventrem onerant, mentē caecant, quibusq. animo facile corpus insultat, & quasi equinū pulum aliquem rectori reddit indocilem, ac refractariolum. Non haec ut poscamus oratio docuit, sed substantialem panem, cum scilicet, qui in ipsius coalescens corporis naturā vertitur. atq. hunc quidem non diuturnum, ac multorum annorum

Matt. 6. peti voluit, sed hodiernum tantū, ait enim, Nolite solliciti esse in crastinum . Quid autem diem crastinum quisquam curat, qui non ipsum diem crastinum, non inquam, omnino videt, sed laborem suscipit, fructū non percipit? In Deo igitur fiduciam colloca, qui dat escā omni carni . Etenim qui tuum tibi corpus dedit, animam inspiravit, teq. rationis particeps animal effecit, is ne te figmentum suū neglegat, qui solem suum oriri facit super bonos & malos, & pluit super iustos, & iniustos? Hoc tu igitur uno fretus, alimentum tantum posce diarium, illi crastini curā relinque;

Psal. 54 quod & beatus David dixit, lacta super dominū curam tuam, & ipse te enutriet. Itaq. qui summā sapientiam superioribus verbis edocuisset, cum e genere impossibilium esse intellexeret, homines

nos

nos mortali cinctos corpore, non errare, docuit etiam illud, ET LIMITTE NOBIS DEBITA NOSTRA, SICUT ET NOS DIMITTIMVS DEBITORIBVS NOSTRIS. Quib. uerbis res omnino tris complectens agit. Namq. eos qui ad summum virtutis gradum peruenerunt, sentire de se mediocriter docet, neq. recte factis admodum cōfidere, sed trepidare, ac tremere praeteritorū memores peccatorum. exemplo uidelicet Pauli Apostoli, qui spectata iam diu virtute, totq. abūdans meritis, de se tamē ipse sic loquitur, Quoniā Christus uenit in mundum ad saluandos peccatores, quor. primus ego sū. Non fui, sed sum, dixit, eorū quae fecisset, atq. admisisset, praesentem semper habere se memoriā significans. Eos igitur, qui in summo virtutis gradu consistunt, tutae humilitatis quaesito excogitatoq. praesidio communiuit; eos vero, qui post sancti baptismatis gratiā lapsi sunt, de salute ut desperent, non sinit, sed quid ab ipso animarum medico exoptendū sit, docet, medicinā scilicet remissionis; sic vero etiā beniuolentia erga homines atq. humanitate nos imbuuit. Etenim mites nos, & placabiles esse uult ijs, qui ulli sint ad fines culpae, & iniuriae nobis inlatae prorsus inmemores, quippe qui dāda alijs uenia, nobis quoq. ueniā dari uoluit. in quo praefere nos, & humanitatis, ac ueniae modū a nobis primū uoluit existere. Namq. tantundē accipere nos ipsi poscimus, quantū proximo largiti sumus; ac tanta quidē nos uenia dignos ducimus, quantā quoq. debitoribus nostris ipsi dedimus. Sub haec iubemur

1. Tim. 1

Matth.
8.

iubemur praeterea dicere. ET NE NOS INDY-
CAS IN TEMPTATIONEM, SED LIBERA NOS
A MALO, Siquidē multa diabuli opera, atq. astu
grauia & molesta nobis accidunt, multa ab homi-
nib. vel palam iniurijs, vel clam nobis insidiantib.
iam vero corpus ipsum contra animam non
sine graui noxa nonnumquā insurgit, nonnum-
quam varie debilitatum atq. infirmū, dolores no-
bis atq. languores parit. Itaq. cū tam multa, tamq.
varia nobis ingruāt mala, ab his quidē omnib. vt
liberemur, a Deo omnium docemur petere. quo
nimirū uindice tempestas omnis sedatur, euane-
scit. procella vertitur in tranquillum. malus ipse
confusus, despectus, delusus, confutatusq. disce-
dit sic, vt olim ab hominib. discessit ad porcos,
quos in ipsos nihil nisi iussus audebat. Ergo qui
nec in porcos quidquā potest, hominē in vigilia
permanentē, animo stantem, intentū, diuino saep-
tum praesidio, ac regi praeceuntem suo tenere au-
deat, atq. opprimere? quo factum est, vt in extre-
ma quoq. oratione posuerit regnum, potentiam,
gloriam. QVONIAM (inquit) TVVM EST RE-
GNVM, ET POTESTAS, ET GLORIA IN SAECV-
LA. AMEN. Haec, inquit, a te peto, qui regē te esse
omnium scio, aeterno praeditū imperio, qui quae
velis, potes omnia; qui gloria, quam nulla vis aufe-
rat, insigniris. Ac de his quidem omnibus omnes
ei, qui nos tot dignatus bonis adfecit, gratias aga-
mus. Cui omnis honor, gloria, atq. imperiū debe-
tur, & conuenit, Patri, & Filio, & Spiritui sancto,
nunc & semper, in saecula saeculorum, Amen.

S. P. A-

S. PATRIS NOSTRI
 IOHAN. CHRYSOSTOMI
 ARCHIEPISCOPI CONSTAN-
tinopolitani, in Natalem Domini nostri
IESU Christi diem Oratio.

Achille Statio Lusitano interprete.

DAVID idem rex, & propheta, quae 2. Reg. 6
 legem continebat, arcam ab Allo-
 phylis venientem prospiciens ce-
 cinit, atq. saltavit. quo facto, & su-
 am ipse laetitiam, & quo esset in
 Deum animo demonstraivit. Nos autem legis da-
 torem ipsum e virgine tamquam ex arca promi-
 cantem intuētes hodierno die gaudebimus, exul-
 tabimus. Et quidem arca ipsa illa, quae legē ser-
 uabat, ijs, qui vel tantillū in ea, quae scripta fue-
 rant, peccassent, maledictum, ac supplicium infe-
 rebat; haec autē altera eum continet, qui legem
 implet, ac perficit, quiq. a maledicto legis nos re Galat. 3.
 dimit, omnes iustitia, vitaq. muneratur. Hunc igitur
 diē laeti, hanc salutemus celebritatem, utpote
 bonis innumerabilib. plenū, ac refertū gaudium.
 Hodierno enim die qui videri nullo modo poterat,
 in carne visus est creaturae. hodierno die finium
 spes processit in mediū, hodierno die rex, ijs, P/al. 64.
 qui daemonū tyrannide tenebantur oppressi, salu-
 taris apparuit. hodierno die quo redimerentur,
 captiuis pretium venit. Venerunt opes egentib.
 venit

- Luc. 1.* venit versantibus in tenebris lumē, errantibus via, Celebremus huiusmodi festū dilectissimi. obuenit enim seruis libertas, peccatoribus iustificatio, inmundis puritas, laborantibus medicina. Venit is, qui caecis videndi, surdis audiēdi vim tribuit,
- Matt. 11*
Isa. 35. Venit claudis sanitas, paralyticis cursus datus, leprosis mundatio, iacentibus resurrectio, fessis quies. Venit esurientibus saturitas, lugentibus hilaritas, insipientibus sapientia, mortuis ad vitā reditus. Glorificemus nostra causā venientem Deum. Venit enim is, qui diabulū praefocauit, mortem iugulauit, infernum spoliavit, ac diripuit, interitum, corruptionemq. deleuit. Venit is, qui vitam praestat aeternam, immortalitatem donat, in corruptionis veste nos induit, stola gloriae circumdat. Venit gloriatio iustorum. venit omnis gaudium creaturae, dissidentium inter seq. conflictantium pax. Venit Dei, & hominum mediator. Venit omnis vitae moderator, ac rector. Venit nostrae vetustatis instaurator. Venit effrenati oris, & obtrestantium linguarum refrenator. Venit is, qui homines Angelis aemulos, Dei q. filios facit, regnum caelorum omnib. donat. Quamobrem in terris hodie potestates angelicae choros ducunt canentes, Gloria in excelsis, & in terra pax, in hominibus beneplacitum. Etenim rem miram, stupore dignam, quamq. abstracto a corpore animo percitus admirare, viderunt omnium dominum serui forma circumdatum. Eum, qui caelo fulgurat, qui parentum in vuluis infantes omnes alios informat, & instituit, infantem viderūt. Eum, qui
- olim

olim finxit Adam, viderunt infirmitatis nostrae *Gen. 1.*
 consortem, ac participem, quo videlicet Adam
 malis eriperet. Magnum prorsus, & incredibile
 mysterium in Bethlehem patratum viderunt. la-
 ctantem matrem filiolum, non ipsis nuptijs ma-
 trem factam puellam, salua eandem atq. incolu-
 tui virginitate peperisse viderunt, matrem quidē
 ipsam, sed maritalis thalami prorsus ignaram.
 Noua, mira, inopinata viderunt, nulla semente
 spicam, vnam nullo satū, nullo patre editum fili-
 um. Quid dicam? quomodo dicam? qui quae su-
 pra narrationem sunt, enarrabo? Matre est ipsa
 maior natu filius. immo vero, matris suae est opi-
 fex filius. Est enim Dei generatio duplex. altera *Isa. 53.*
 prorsus ineffabilis, fanda altera, sed quae dicen-
 tium linguas inflammat, & inlustrat. altera prior
 saeculis omnib. altera posteriorum temporum.
 ex Deo altera, e virgine altera, & hac vna tantum
 matre. nulla matre supra, nullo infra natus pater.
 non illic matris, non hic ad sui generationem in-
 digens patris. supra contremiscunt Angeli, mor-
 tales infra contemnunt. supra thronus eius Sera-
 phim sunt, infra praesaepe, & spelunca eius domi-
 cilium sunt. inexplicabili gloria supra circumda-
 tur, infra pannis inuoluitur. supra Seraphim eum *Isa. 6.*
 aduersa nequeunt intueri, infra meretrix aduolu-
 ta pedib. eius adfunditur. supra vel a potestatib. *Luc. 7.*
 ipsis caelestib. adiri nequit, infra cum publicanis *Matt. 9.*
 etiam discumbit. supra rex est ipse regnantium,
 infra egens ac pauper sic, vt caput vbi reclinet su *Matt. 8.*
 um, non habeat. supra mundi totius iudex, atq. *Luc. 9.*
 B arbiter,

Matt. 27 arbiter, infra insons, & innocēs, a Pilato tamen iudicatur. Quae profecto omnia pro sua humani generis sollicitudine, curaq. singulari gessit. Atqui cum vel maxime nos impie egissemus, cumq. grauissimis peccatis grauissimas etiā poenas deberemus, tum vel maxime illius benignitatē experti sumus. Quam enim creaturam Deum non fecimus? quē non coluimus, & adorauimus daemonum? quid impietatis nefariae suscipere non ausi sumus? quiduis aliud potius, quam vnum, ac verum Deum Dei nomine dignati. terrā, solem, astra, lunam, ligna, lapides, stirpes, pecudum genus omne. quin & voluptatem ipsam, caedē, concupiscentiam, furtum, adulterium, nihil interita sapientes, ac cogitantes, diuinis honorib. adfecimus. Diabolicis enim artibus effectum est, vt turpissimum quemq. nostrorum adfectuū proni veneremur, prorsus vt inmunditiam vltro, ac scelus adgredi videremur. Verum ne sic quidem bonus dominus, cum essemus eiusmodi, nos ipse neglexit. Sed vbi abundauit peccatum, superabundauit & gratia; vicit eius larga, & copiosa bonitas iniquitatem nostrā, qui magna adductus misericordia, medicus ipse ad nos descendit caelitus, suamq. ipse diuinitatē quasi mortali vasculo condens, ac contegens, nostra ipsorum adsumpta natura, sic videlicet hominum salutem operatus effecit, extincta morte, soluto, & abrogato maledicto, impietate pulsa, diabulo reuincto, daemonū copijs in fugam conuersis, nobis, qui versabamur in tenebris, inluminatis, insita veritatis cognitio

ne, caelesti viuendi ratione demonstrata, totaq.
demum hominū vita constituta. Ob haec igitur
omnia tripudiemus, & exulemus, redēptore, ac
rege nostro nobis adfulgente. propter haec, in-
quam, omnia festum, atq. hilarē agamus hodie-
rum diem, pauidi ac trepidi hanc ad diuinā ac-
cedamus mensam, hanc ad mysteriorum celebra-
tionem adeamus. Nec enim nescitis abundare
eam igne spiritali, non eo, qui cernatur oculis;
vtq. aquae vi, naturaq. scatentes fontes manant,
sic mensa haec quoq. ineffabili quadam flamma
praedita est. Ne tu igitur accesseris habens stipu- 1 Cor 3.
lam, ligna, fenum. ne videlicet augeas incendiū,
ipsamq. communicantem animam inflammes.
accede porro pretiosos habens lapides, aurum,
has ipsas res probiores vt efficias, vt inde quasi
multa auctus mercede discedas. Inimicum habet
quis, & ab eo grauiter laesus est, inimicitias po-
nat, vincat animum, & ira grauem ac tumentem
comprimat; nequis intus motus, nequis tumultus,
nequa sit perturbatio. Quippe regem com-
municando excipies, rege vero animam tuam in-
scendēte, adsit summa tranquillitas, summa qui-
es, & vt decet, sit alta pax rebus, ac sensibus tuis.
Sed grauius laesus es, quā vt iram possis depone-
re. tu vero sic te laedis ipsum grauius. Neq. enim
talis vnquā in te fuerit inimicus tuus, quantum-
uis iniurius, quam tute in temetipsum scilicet, si-
quidem reconciliari nolis, Deiq. leges eo facto
conculces, ac proteras. laesit te quidem ille; an tu
propterea Deū laedes? Namq. iniuriae auctori si

reconciliari neget, nō tā ad illius hoc vindictā pertinet, quam ad Dei ipsius, qui haec sanxit legibus, iniuriam. Tu vero conseruum tuum ne spectaueris, nec eius, quam intulerit iniuriae magnitudinem, sed ipsum Deum, cuius timorem animo incutiens tuo, illud cogita, te, quo maiore tibi vim attuleris tam multa expertus mala, iniurioso homini reconciliari cum cogeris, eo plus honoris, ac praemij ab ipso, qui sic iussit, ac voluit, consecuturum Deo. Quemadmodum enim hic illum honore dignū ducis, sic te illic ipse gloria dignū ducet, tali tuae oboedientiae multo plura reddēs praemia. Conlaudemus igitur, dilectissimi, pro viribus nostrorū bonorū auctorem Deum, nosq. rectefactis, ac meritis ornemus omnes. Magorū

Matt. 2. exemplo regi gloriae dona feramus omnes, ne vel barbaris deteriores simus. Nos, inquam, in fide educati incorruptam pro auro feramus fidē, dogmatum veritatem. etenim illi quoq. tamquā regem illum obseruantes, aurum tulerunt. Tūc iidem diuinae illius naturae indicem tulerunt; feramus ipsi pro ture vitam suaueolentem, Deo gratam, ac probatam. Tulerunt illi myrrhā, cam, quam pro nobis oppetijt, innuentes mortem domini; feramus ipsi peccato renuntiantium membrorum nostrorum mortificationem. Illi ab Angelo moniti aliam institerunt viam, Herodem fefellerunt. nos domino Angelorum duce peccatorum vitantes contagia, caelestem ad Deum insistamus viam, in Christo Iesu domino nostro, cui gloria, & imperiū cū patre, & spiritu sancto, nūc, & semper, & in saecula saeculorum. Amen.

S. PA-

S. PATRIS NOSTRI
IOHAN. CHRYSOSTOMI

ARCHIEPISCOPI CON-
stantinopolitani, in sancta Theo-
phania, Oratio.

Achille Statio Lusitano interprete.



DOCUMENTORVM Euangelicorum
fons expositos ac patentes riuos ha-
bet, quo e fonte quisquis sitibundus
bibit, viuificatur spiritu. haurit enim
legem praeceptorum, quamlibet vini superatam
laetitiam. quippe quae mentem, non ventrem
exhilarat. spiritualium enim praeceptorum dul-
cedo non ullam animis adfert satietatem. impio-
rum vero sensus, & cogitata ad pietatem conuer-
tit. Audisti modo in euangelio Baptistam Iohan-
nem, concurrente ad se baptismi causa Iudaeorum
multitudine, clamantem, Ego quidem baptizo vos
in aqua in paenitentiam, qui autem post me venit,
fortior me est, cuius non sufficio portare calcia-
menta. Ecquae tandem ferebat dominus calcia-
menta tam graua, quia dixit, non sufficio calcia-
menta portare? Verum hoc loco calciamenta di-
xit ipsa dispensationis mysteria. calciamenta enim
dicit incarnationem. Cuius rei testis est dominus
ipse per prophetam clamans. In Idumaeam ex-
tendam calciamentum meum. Qua de causa sca-
belli etiam nomine intellegitur incarnatio domi-
ni, utpote visa in terris, & cum hominibus conuer-

Matt. 3.

Mar. 1.

Luc. 3.

Iob. 1.

Psal. 59.

Barn. 3.

fata, & fines terrae complexa. quemadmodū propheta vtrumq. adhibens, rei futurae specie proponerebat, & inclamabat verbis illis, Exaltate dominum Deum vestrum, & adorete scabellū pedum eius, quoniam sanctus est. Ego quidem baptizo vos in paenitentiam, qui autē post me venit, fortior me est, cuius non sufficio calciamentā portare. Ipse vos baptizabit in spiritu & igni. cuius ventilabrum in manu eius, & emundabit arcam suam, & triticum quidem colliget in horreum, paleam vero comburet igni inextinguibili. Haec nuntianti Iohanni, ac se fortiorem dominum venire quasi tuba clangenti, reclamabant ab eo baptizatae turbae. Te ne quisquam est, o propheta, fortior? Quid hanc in te calumniam adhibes? Tu magni Zachariae pontificis filius. idem hominibus expectatus ac desideratus, feris terribilis. Te ne quemquam esse fortiorem? Quid imaginosi hoc est, quid ve fingis, atq. animo concipis? quid loqueris? Profecto te nemo quisquam fortior. Tu promissionis filius. tu Gabrielis indicio demonstratus. tu ipso in altari cognitus. tu in oblatione incensae ostensus. tu Iohannes, quod interpretatur, Dei gratia. Quid te igitur ipsum calumniaris? Non est te quisquam fortior. At Iohannes, utpote seruus, domini sibi dignitatem non adrogans, contradicenti multitudini reclamabat. Vos quod nescitis, id loquimini, ego vero id quod scio, testificor. Venit me fortior, per quem ipse, non per me ille. ego e sterili, ille e virgine. ego miles, ille imperator. ego praecursor, ille caelo decursor. ego spiritum mutuatus

mutuatus accepi. dat ille vitam rebus omnibus. Ego paenitentiae, ille adoptionis in filios dator. *Gal. 4.*
 Ego baptizo vos in aqua, tamquam vasa peccatorum sordib. inquinata praemundans, ille veniens sacramentum infundet gratiae. Ille vos baptizabit in spiritu sancto & igni, non vltore illo igni, sed inluminatore. Ego monitoris linguam exerceo. ille iusti iudicis ventilabrū gerit, iustos quasi tempestiuum frumentum in horrea conditurus, peccatores autem, vel minime paenitentes tamquam stipulam comburendos igni tradet inextinguibili. Qui autem post me venit, fortior me est. Haec atq. his similia Iohanne inclamante, turbae ab eo baptizatae conquierunt, aliae alijs inter se iactantes, ac dicentes, Duremus iturae regalis populi spectatores. verbis enim terribilib. oneravit aures nostras Iohannes. Haec inter praestolantibus, turbis, & mundanam aliquam speciem ac pompam expectantibus, non eam, qua procedere, spectariq. solet Deus, spiritalem beneficentiam, En tibi dominus, qua humanitas eius oculis cernebatur, solus, abiectus, simplici veste, & tamquam vnus e vulgo hominum ad Iordanis ripā propius accedens, caput Iohanni baptismi causa submisit. Tum vero Dei ac domini vilem speciem conspiciatus Iohannes, non animo consistere, dubitare, ac vehementer commoueri. fugae locum circumquaq. aspiciens, quo tamen aufugeret, cū maxime veller, non reperiēbat. atq. idem nihil videns, cum teneretur tamen, identidē clamabat. Quemadmodū audisti modo, ego a te baptizari *Matt. 3.*
 B 4 debeo,

*Esa. 6.**Exo. 34.*

debeo, & tu uenis ad me? Quid agis domine? quid me turbis necandum prodis? Ego enim de te magnifice praedicaui, cum dixi spiritū, ventilabrum, ignem. tu uero tamquā uilis, & hospes, aduenasq. uenisti. Quā rem agis Domine? supra regis filius, infra regis item filius, nusquā tamen scaeptrū regium. Ostenta uero gloriam tuā. quid enim solus humilisq. uenisti? Vbi tuus ille Angelorum tuus? vbi illi Archangelorum ordines? vbi Cherubim sexaliferum ministeriū? vbi ventilabrum? vbi ignis? vbi spiritus tuus? Moysen tu clarificasti nubem adponens lucidā. os eius gloria prorsus Angelica collustrasti. Seruū tanta gloria adfecisti, & tu dominus priuato uulgariq. ades schemate? Sustolle. tu enim omnium caput es caelo terraq. sublimius. Sustolle domine, & quemadmodum te praebuisti humilē, sic te quoq. magnū & admirabilem praebere. Eos, qui adsunt, atq. in his primum me baptiza. Quid enim nihil habens sordium baptizari vis? Nec si maxime baptizare uelim, Iordanes ferat. etenim te conditorem nouit omnium. Haerent aquae. Iordanes cursum non promouet rerum ordini renuntiat. Ergo te elementa nouerunt, ipse non agnoscā? Sin baptizari omnino vis, tu temetipsum baptiza, atq. ego quidem manus ultra non porrigam, quae suas ipsae compages nesciunt. torpent, contrahuntur, & quod minime didicerunt, exercere nō valent. Ego debeo a te baptizari, & tu uenis ad me? Qui sis enim scio. tu te mihi notū esse nouisti. Quid me celas intuentem te? vel etiā tum, cum matris utero continebar, fallens naturae

natutae leges, & quia nondū maturū erat, exitū e
 ventre non inueniens, intuebar tantummodo te,
 quē mater vtero sanctissima gestabat. Noui enim
 tunc ego te. cumq. fandī impos essem, parentis os
 meae ciens ipse per eam clamaui scilicet, Vnde
 mihi, vt ad me veniat mater domini? Nihil illic
 cū fefellerim, hic celauero? Ego debeo a te bapti-
 zari, & tu venis ad me? Verum ad haec dominus.
 Sine modo. sic enim oportet implere omnem iu-
 stitiā, sine modo. quid enim dicas nescis, ego quā
 rem agam scio. Diuinitatis meae gloriā palam fie-
 ri vis, idq. antequā tempus ferat. Cuncta vero bo-
 na in tempore suo. Tu quidē vera praedicas, non
 credit autem eorum, qui adsunt, iudaeorū genus.
 Non tu illos genimina viperarū dixisti? Quid his
 igitur reuelari me vis? non est huius hoc tempo-
 ris. nec enim tuum de me testimoniū accipiunt,
 teq. qui mihi praecursor es, habent suspectū. sine;
 maius omnino testimoniū accipies. sine, inquā,
 modo. sic enim oportet implere omnem iustitiā.
 At Iohannes, Qui sic, inquit, domine? Dominus
 autē, qui sic, ait, quaeris? Sicut circumcisis sum,
 etiā baptizor. circumcisis sum, legē vt implem;
 baptizor, gratiā vt confirmem. Namq. si partem
 expleuero, partem omiserō, mancū omnino testi-
 moniū reliquero. Me vero omnia oportet imple-
 re, vt paulo post scribatur illud, Plenitudo legis
 Christus ad iustitiam omni credenti. Sine modo,
 sic enim oportet nos implere omnem iustitiam.
 Sine Iohannes. me oportet implere omnia. Sine
 aquarum sanctificari naturam. ac nisi a te bapti-
 zer

Luc. 1.

Luc. 3.

Rom. 10.

- zer ipse, a paupere sacerdote rex se baptizari nollet. Sine modo. sine ex alto clamet spiritus, Hic est filius meus dilectus. ne me fabri filium dictitare incipiant homines, agnoscant autē caelestem patrem meum. Sine modo, sic enim oportet nos implere omnem iustitiam. sine Iohannes, nec ipsi Adam opponere. Sum enim ipse Adam secundus, delictorum illius portans sordes. Ac nisi baptizet ipse, ille qui mundabitur? propterea enim triginta baptizor annos natus, & illius aetatem, qua creatus est, successor excipio, res ut illo comprobentur meae. Sine modo impleatur illud, Vox domini super aquas. Tum vero horribilis species obiecta est oculis. caput domini Iohannes tangit timens ac tremens. Ex alto frequentes, quod agebatur caelo discedente spectabant Angeli. Spiritus vero gratia columbae specie ad domini sese caput adplicans, manum Iohannis regens admouebat. Adstabat autem multitudo magis magisque dubitantium, & illud, Quis est hic? magna admiratione dicentium. Hic vero pater turbis respondens ait, Quid est quod inter vos anxie quaeritis? Hic est filius meus dilectus, in quo mihi bene complacui. ipsum audite. In filium amorem increatum clara voce testatur, ut qualis in creaturam sit ipse intellegamus, qui talem filium pro seruis talibus tradidit, pro inuisis scilicet atque odiofis desideratum, pro inglorijs atque obscuris gloriosum. quoniam ipsum decet gloria, honor, & imperium una cum filio unigenito, & spiritu sancto, nunc, & semper, & in saecula, Amen.

S. P. A.

S. PATRIS NOSTRI
 IOHAN. CHRYSOSTOMI
 ARCHIEPISCOPI CONSTAN-
 TINOPOLITANI,
de David Propheta,
Oratio.

Achille Statio Lusitano interprete.



DN vobis hodierno die lectus, & au-
 ditus est beatus Dauid, idem sua-
 uissimi carminis egregius modu-
 lator atq. artifex, & continentiae
 magister. Namq. spiritalem lyram
 illam suam ad psalmodū cantus citans, aures qui
 dem extrinsecus mulcet, adficitq., sensus vero ani-
 mi ipsius omni intus continentia mirabiliter ex-
 colit atq. componit. Quamobrem spiritus sancti
 gratia diuinitus illud instituit, vt omnium fere
 Christianorum nemo non Dauid ipsum cottidie
 caneret, vt exhilaratis animis simul etiam profici-
 ceret. Illud vero saepe sum ipse admiratus, me-
 cumq. etiam atq. etiam cogitans, longe abij, atq.
 excessi, reputans videlicet, identidemq. hoc di-
 cens, quid praeter ceteras omnes tū veteris, tum
 noui testamenti scripturas vnum Dauid omnes
 amant, in ore habent, meditantur. Moses legisla-
 tor insignis os ad os, idest, Deum coram intuens
 ipse, quiq. nobis quaecumq. creata sunt, altissimo
 a principio repetens explicauit, ipsum creatorem
 praedicans dixit, In principio creauit Deus caelū Gen. 1.
 & terram;

- & terrā. Atq. hic quidem eius liber, & maximus est, & omni sapientia refertissimus; cum tamen librum per omnis ecclesias vix semel, aut iterum singulis hebdomadis replicamus. Veteris, inquis, testamenti liber est. Quid de ipsorum euangeliorum lectione dices? Vbi praesentis iam Christi miracula praedicantur, versaturq. inter homines Deus, mors verbo tantum. depellitur, daemones iussu modo fugantur, leprosi verbo solo mundantur, caeci nati luto curantur, quinque hominū milia desertis in locis non amplius quinq. pascuntur panib. latro in paradysum introducit, meretrix vero sideribus etiam fit ipsis purior. Iordanis undae sanctificādis animis nostris sanctificantur, vnigenitus Deus a patre caelitus praedicatur, vbi nostram ipsorum vitam Christus innouans, & ad salutem genus hominum vocans atq. informans, *Matt. 5.* clamat, Beati pauperes spiritu, quoniam ipsorum est regnum caelorum. beati mites, beati qui esuriunt, & sitiunt iustitiam, quoniam ipsi saturabuntur. Et tamen eius ipsius leges ac praecepta semel tantum, aut iterum per hebdomadam legimus. Sed dices forte, coronas, atq. ornamenta regia cotidie vulgari non debere. Quid Paullus Christi orator, orbis terrarum piscator? qui xiiij. tantū epistulis, tamquam retib. quibusdam spiritalib. orbem terrarum vniuersum ad salutem inclusit. *2.Co. 12* in tertiū caelum, ac rursus in paradysum raptus. cui visa sunt mysteria regni Dei, quae nō licet homini loqui. Atqui hunc bis tantum in hebdomada legimus; & eius quidem epistolam minime pro-

me pronuntiamus ipsi, sed ad eius lectionem intentis animis atq. aurib. auditione sola fruimur. Ecquid autē ego de beato David queam dicere, quem spiritus sancti gratia singulis diebus ac noctib. decantari instituit? Hunc enim omnes vnguenti loco feruat in ore. In ecclesiae peruigilijs idem primus, medius postremus David. In mortuorum * tabernaculis funebri pompa deducendis, efferendisq. idem primus, medius, postremus David. Fiunt in virginum domib. texta, ac vestes, idem primus, medius, postremus David. O mira, noua, inopinata. Multitudo imperita, quae litteras numquā didicit, totum David edidicit, totū expromit. Neq. vero in triuijs tantum, atq. ecclesijs, omni tempore, atq. in omnis aetatis hominib. clarus & inlustris effulget hic vnus, sed in agris etiam, locisq. desertis, atq. in terra, vt ait ille, domibus negata, incredibili studio spiritales hominum choreas ciet, ac tripudia. In monasterijs apud choros sanctorum angelicorum ordinum idem primus, medius, postremus David. In asceterijs apud virginum greges Mariam imitantium, idem primus, medius, postremus David. Apud eos, qui desertis in locis crucifixi mūdo, Dei consuetudine, & colloquio perfuuntur, idem primus, medius, postremus David. Et cum mortales omnes noctu naturalis somni tamquam tyrannide depressi iaceant, solus exsurgit David, Deiq. famulos secum angelicos ad concentus, ac laudes excitat, terram esse caelum iubet, homines Angelos facit, omniaq. mirifice exornans

* Tabernacula uocat ipsa corpora, Scripturarum more atq. usu.

Gal. 5. & 6.

- I. Cor. 9.** exornans, omnib. fit ipse omnia, ac per omnia vitam nobis instituit Angelicā. Seniorib. cauēt, peccatores ad paenitentiam vocans ait, Confitemini domino quoniam bonus, quoniam in saecula misericordia eius. Iam verō bene se gerentib. etiam
- Psal. 106.** cauens dicit, Delicta iuuentutis meae, & ignorantias meas ne memineris. At beneficio adfectos
- Psal. 115.** ad gratiarum actionem impellens, ait, Quid retribuam domino pro omnibus, quae retribuit mihi? Eos autem, qui saepe labuntur, adhortans dicit, Si iniquitates obseruaueris domine, domine quis sustinebit? quia a te misericordia est. Eos vero, qui misericordiam quaerunt, & a Deo petunt, sic docet, Miserere mei Deus, secundum magnam misericordiā tuam. Ad sacerdotiū vocatis
- Psal. 50.** cauens etiam dicit, Ne proicias me a facie tua. In ius vocatos instruit verbis illis, Redime me Deus a calumnia hominum. At eos, qui inimicorum insidias atq. imperiū perhorrescunt, instituens ait,
- Psal. 91.** Quoniā ecce inimici tui domine, quoniā ecce inimici tui peribunt, & dispergentur omnes qui operantur iniquitatem, & exaltabitur sicut vnicornis cornu meū, & senectus mea in misericordia vberis, & despexit oculus meus inimicos meos, & ab insurgentib. in me malignātib. audiet auris mea. Qui vero sustinuerunt, ac beneficio demum adfecti sunt, gratias agere sic hortatur, Expectans expectaui dominum, & intendit mihi, & exaudivit deprecationem meam. O admirandam, o mirabilem omnino citharam, quae animos hominū vbiq. terrarū tamquam fides quasdam vnā eandemq.

demq. in laudem concitat. Hic igitur tantus ac talis animorum incentor atq. exornator, & omni prorsus laude maior, quiq. in terris Angelorū vitam instituit, & caelestiū ipsorum superne adplausib. atq. adclamationib. vndiq. cingebatur, qui tandem in peccatorum capita duo labi potuit? peccatorum enim capita sunt, Non occides, *Deut. 5.* Non moechaberis. Atqui in haec ille capita permissus est cadere. Quo factū est, vt haec cum animo meo saepius reputans, cogitatione saepe equidem excefferim. Et quemadmodum naus aliqua in mari sine gubernatore huc atq. illuc impulsā fluctib. agitur, sic cogitationū earum quasi quidā aestus, fluctusq. maximi saepe commoti sunt, dū videlicet animo voluens illud, etiam atq. etiā iterō, qui potuit tot tantisq. virtutis bonis vitornatissimus, idē rex, & propheta, & Christi seruus, & pater, natura seruus, pater secundū carnem, *Li Matt. 1.* ber enim generationis IESV Christi, filij Dauid. virtutib. potius, quam diadematis exornatus, humilitate magis, quam purpura circumfusus, vtpote qui diceret, Domine non est exaltatū *Pf. 130.* cor meum, neq. elati sunt oculi mei, neq. ambulauī in magnis, nec in mirabilib. super me. si non humiliter sentiebam, sed exaltaui animā meam, sicut ablactatus. Qui tolerantiae terminis, tamquam metae, coronam demum inponens dicit, Domine Deus meus, si feci istud, si est iniquitas *Psal. 7.* in manibus meis, si reddidi retribuētib. mihi mala. Idem non superbiam modo pellens, ac vitans, sed superbos quoq. auersatus aiebat, Si ha- *Pf. 110.* bitauit

bitauit in medio domus meae qui facit superbiam,
qui loquitur iniqua, non direxit in conspectu oculorum meorum. Qui confidenter de se etiam dixit, Probasti me, & non est inuenta in me iniquitas.

Psal. 16 Quid autem haec dico? quid eius de se ipso testimonij vtor? Saepe enim a quibusdam dici audio, qui sibi ipsi testimonium tribuat, testem hunc fide dignum non esse.

138 alter illius recte facta testetur, alter merita coronasque commemoret. vitae ipsius alter adhibendus est testis, ut eius maxime testimonio fides habeatur. Ecquem autem grauiorem Deo testem adhibeas? Inueni, inquit, David, filium Iesae, virum iustum secundum cor meum.

Psal. 88 Quid hoc firmitus testimonio? quid hac voce grauius? & quomodo hic tot rectefactorum abundans laudibus, tot virtutum ornatus insignibus, & secundum Dei ipsius cor esse testimonio inlustris, quomodo in illa duo peccatorum capita prolabi potuit, Non occides, Non moechaberis? Occisor tamen, & moechus propheta Dei. hic enim nobis hodie lectus est locus. Nihil incuso prophetam, sed vestrae interim vitae consulo, ut recte quidem agens saepius, tibi tamen ipse caueas, ne congruas scilicet, ait enim Apostolus. Qui se existimat stare, videat ne cadat. Quamobrem etiam ipsemet David illud adsidue repetens iterabat, In finem ne disperdas. Illud quoque sanctissimi uiri est, Et usque in senectutem, & senium, Deus meus, ne derelinquas me. Quid igitur tantum in facinus prolapsus est? ob causas nimirum tris. quas, inquis, causas? Ego vero iam iamque expediam, tu interim docile te mihi

Deut. 5 Non occides, Non moechaberis? Occisor tamen, & moechus propheta Dei. hic enim nobis hodie lectus est locus. Nihil incuso prophetam, sed vestrae interim vitae consulo, ut recte quidem agens saepius, tibi tamen ipse caueas, ne congruas scilicet, ait enim Apostolus. Qui se existimat stare, videat ne cadat. Quamobrem etiam ipsemet David illud adsidue repetens iterabat, In finem ne disperdas. Illud quoque sanctissimi uiri est, Et usque in senectutem, & senium, Deus meus, ne derelinquas me. Quid igitur tantum in facinus prolapsus est? ob causas nimirum tris. quas, inquis, causas? Ego vero iam iamque expediam, tu interim docile te mihi

2 Reg. 11 Non occides, Non moechaberis? Occisor tamen, & moechus propheta Dei. hic enim nobis hodie lectus est locus. Nihil incuso prophetam, sed vestrae interim vitae consulo, ut recte quidem agens saepius, tibi tamen ipse caueas, ne congruas scilicet, ait enim Apostolus. Qui se existimat stare, videat ne cadat. Quamobrem etiam ipsemet David illud adsidue repetens iterabat, In finem ne disperdas. Illud quoque sanctissimi uiri est, Et usque in senectutem, & senium, Deus meus, ne derelinquas me. Quid igitur tantum in facinus prolapsus est? ob causas nimirum tris. quas, inquis, causas? Ego vero iam iamque expediam, tu interim docile te mihi

1. Cor 10 Non occides, Non moechaberis? Occisor tamen, & moechus propheta Dei. hic enim nobis hodie lectus est locus. Nihil incuso prophetam, sed vestrae interim vitae consulo, ut recte quidem agens saepius, tibi tamen ipse caueas, ne congruas scilicet, ait enim Apostolus. Qui se existimat stare, videat ne cadat. Quamobrem etiam ipsemet David illud adsidue repetens iterabat, In finem ne disperdas. Illud quoque sanctissimi uiri est, Et usque in senectutem, & senium, Deus meus, ne derelinquas me. Quid igitur tantum in facinus prolapsus est? ob causas nimirum tris. quas, inquis, causas? Ego vero iam iamque expediam, tu interim docile te mihi

Psal. 56 Non occides, Non moechaberis? Occisor tamen, & moechus propheta Dei. hic enim nobis hodie lectus est locus. Nihil incuso prophetam, sed vestrae interim vitae consulo, ut recte quidem agens saepius, tibi tamen ipse caueas, ne congruas scilicet, ait enim Apostolus. Qui se existimat stare, videat ne cadat. Quamobrem etiam ipsemet David illud adsidue repetens iterabat, In finem ne disperdas. Illud quoque sanctissimi uiri est, Et usque in senectutem, & senium, Deus meus, ne derelinquas me. Quid igitur tantum in facinus prolapsus est? ob causas nimirum tris. quas, inquis, causas? Ego vero iam iamque expediam, tu interim docile te mihi

57 & 58 Non occides, Non moechaberis? Occisor tamen, & moechus propheta Dei. hic enim nobis hodie lectus est locus. Nihil incuso prophetam, sed vestrae interim vitae consulo, ut recte quidem agens saepius, tibi tamen ipse caueas, ne congruas scilicet, ait enim Apostolus. Qui se existimat stare, videat ne cadat. Quamobrem etiam ipsemet David illud adsidue repetens iterabat, In finem ne disperdas. Illud quoque sanctissimi uiri est, Et usque in senectutem, & senium, Deus meus, ne derelinquas me. Quid igitur tantum in facinus prolapsus est? ob causas nimirum tris. quas, inquis, causas? Ego vero iam iamque expediam, tu interim docile te mihi

Psal. 70 Non occides, Non moechaberis? Occisor tamen, & moechus propheta Dei. hic enim nobis hodie lectus est locus. Nihil incuso prophetam, sed vestrae interim vitae consulo, ut recte quidem agens saepius, tibi tamen ipse caueas, ne congruas scilicet, ait enim Apostolus. Qui se existimat stare, videat ne cadat. Quamobrem etiam ipsemet David illud adsidue repetens iterabat, In finem ne disperdas. Illud quoque sanctissimi uiri est, Et usque in senectutem, & senium, Deus meus, ne derelinquas me. Quid igitur tantum in facinus prolapsus est? ob causas nimirum tris. quas, inquis, causas? Ego vero iam iamque expediam, tu interim docile te mihi

Non occides, Non moechaberis? Occisor tamen, & moechus propheta Dei. hic enim nobis hodie lectus est locus. Nihil incuso prophetam, sed vestrae interim vitae consulo, ut recte quidem agens saepius, tibi tamen ipse caueas, ne congruas scilicet, ait enim Apostolus. Qui se existimat stare, videat ne cadat. Quamobrem etiam ipsemet David illud adsidue repetens iterabat, In finem ne disperdas. Illud quoque sanctissimi uiri est, Et usque in senectutem, & senium, Deus meus, ne derelinquas me. Quid igitur tantum in facinus prolapsus est? ob causas nimirum tris. quas, inquis, causas? Ego vero iam iamque expediam, tu interim docile te mihi

Ego vero iam iamque expediam, tu interim docile te mihi

te mihi

te mihi, ac magno opere attentū praebe. Primum iustis in suo cuiq. viuendi genere atq. instituto, vt caueat, siue ascetis, siue eremitis. Multa, inquis, recte feci, multis omnino virtutib. excultus, atq. ornatus sum. Ieiuno, pernocto, oro, fleo, sacco circumfero, corpus meum varie macerans, atq. exercens contabefeci, nihil iam amplius diabuli impetum, ad sultusq. pertimesco. reliquum est, vt pro eo ac merui, doner corona. Ne vero erra, o homo, ne ve animo extollere. nec enim David ipso quidquā praestitisti amplius. quid enim dicat, audi. Genua mea infirmata sunt a ieiunio, & caro mea inmutata est propter oleum. Et idem rursus, Ego vero cum molesti essent mihi, in duebar cilicio, & humiliabā in ieiunio animam meam. De vigilia vero quid idem dicat, attende, Media nocte surgebam ad confitendum tibi, super iudicia iustitiae tuae. De lacrimis vero suis, idē, Laboravi in gemitu meo, lauabo per singulas noctes lectum meum, lacrimis meis stratum meū rigabo. De corporis autem sui maceratione sic idem dicit. Quoniam cinerem tamquam panem manducabam, & poculum meum cum fletu miscebam. Quis autem haec loquitur? propheta. Audi vero de eodem rursus testimonium Dei, Inueni David filium Iesse, virum secundum cor meum. Et tamē hic tot tantisq. rectefactis, ac laudib. adfluens, in eiusmodi inductus est errores. Noli igitur confidere, sed caue, dicto audiēs Apostoli, Qui se existimat stare, videat ne cadat. Causam dixi primam, nunc secundam accipe. Ne ui-

Pl. 108.

Psal. 4

Psf. 118.

Psal. 6.

Psf. 101.

Psf. 138.

I. Cor. 10

C delictet

delicet desperent peccatores. immo vero, cottidie si quis peccarit, etiam confiteatur cottidie. milliens peccauit, milliens confiteatur. nihil est enim desperatione deterius. Etenim qui post peccatum desperat, curationē non admittit. An ignoras medicos, ubi de cuiusquam salute semel desperarint, non ultra medicinam adhibere, sed illud potius dicere, da quidquid collibitum est aegrotō, da quidquid adpetiuerit, nec enim morbus amplius curationem recipit. vicit nimirum artem, atq. omnem medendi rationem, vitium, ac vis morbi. Haec illi, nihil posthac aegrotum prohibentes, solent dicere. Sin aliqua sanitatis spes ostenditur, omnia experiuntur, temptant, adhibent pharmaca, quae facere ad salutem putant. Talis omnino est is, qui post peccatū veniae spē prorsus abiecit. siquidem longe maiora in mala praeceps abit. Quamobrem si tecum ipse cogitaris, summorum etiam malorum, caedis inquam, atq. adulterij in propheta remedium salutare, & curationem extitisse, idem si milliens pecces, confessionis quoq. remedio consequere. Quod ita velim accipias, atq. interpretere, non quo me auctore atq. hortatore peccare audeas, sed quo peccantem scilicet ad confessionem vocem. Etenim bonus, ac benignus Deus, etiam maxima quaeq. peccata facile delet. Quid enim caede, atq. adulterio maius? & tamen post haec admissa crimina

Psal 31. propheta quid dicat attende. Dixi confitebor aduersum me iniustitiam meam domino, & tu remisisti impietatem cordis mei. Namq. propterea
grauia

grauia quaeq. peccata Christus in terris versans dimisit. latronem in paradysum introduxit. publicanum fecit Euangelistam. Paullum conuictorem ac blasphemum, totius orbis terrarum Apostolum creauit, ne uidelicet tu quoq. desperes, sed confessione criminis, curationem recipias. Confitemini, inquit, domino quoniam bonus, quoniam in saeculū misericordia eius. Habes causam secundam, accipe nunc etiam tertiam. Venturus erat ad terras seruator hominum carnali nimirū praesentia, nostrae carnis massam ipse sumpturus, & cum hominib. conuersaturus. sed quia & Deus idē erat, ac sine peccato solus, permisit utiq. iustos pro suo quemq. arbitrio, ac voluntate peccare humanitus, nihil eos in peccatum inducens ipse, sed ad suum quemq. scopum pro arbitrio ac voluntate ire patitur. Sic Abraham minime credens peccauit, & peccati Deo poenas dedit, Et seruiet, inquit, semen tuum annis. cccc. Rursum etiam Moyses, Si glorificasti Deū, ^a quando aquā de petra donauit ingratiss. Ad quē propterea Deus. ^b Et videbis terrā promissionis, nec ingredieris in eam. Itaq. alio atq. alio modo, alium atq. aliū in peccatū labi sinist. ut humano in corpore vnus ipse nulli ad finis culpae reperiretur. Quare propheta etiam Dauid, cum peccati demum culpam agnosceret, his apud Deum verbis vsus est. ^c Tibi soli peccaui, & malum coram te feci. Quid ita? ^d Ut iustificeris in sermonibus tuis, & vincas cum iudicaris. ^e Cum dies, inquit, illa aderit, apparebit utiq. massa etiam nostra illa, sedens ad dexteram

Luc. 23.

Matt. 9.

Act. 9.

Pl. 106.

Gen. 15.

Alias opinor interpretationes secutus est, nō qua nos hodie graeca uiuimus.

quod ipsū saepe etiā in aliorum patrū scriptis cernas.

Exod. 17.

Num. 20.

Leut. 32.

Pl. 1. 50.

Act. 1. 25

C 2 maiestatis

- Psal. 109.** maiestatis Dei. Sede, inquit, a dextris meis, donec ponam inimicos tuos scabellum pedum tuorum. Ergo die illo apparebit quod eiusdem nobiscum naturae corpus adsumpsit. hoc vero corpus ipsum nostrum de vniuersa hominum natura poenas sumet. Supra corpus, infra corpus. Ait enim,
- Ioh. 19.** Videbunt in quem conpuxerunt. Sed hoc quidem corpus graue, ac depressum peccatis, nostrum videlicet. illud autem omnis expers peccati; sed peccatorum tamen poenas exigens, nimirum, ut iustificeris in sermonibus tuis, & vincas cum iudicaris. quoniam peccatum non fecit, nec inuentus est dolus in ore eius. Cui gloria, & imperium cum patre sancto, benedictio, ac viuifico spiritu, nunc, & per infinita saecula saeculorum.

Amen.

S. PAULUS

S. PATRIS NOSTRI
GREGORII NYSSENI
EPISCOPI IN ABRAHAM
ET ISAAC ORATIO.

Achille Statio Lusitano interprete



ABRAM facultate dicendi mea
utpote maiorem, idem & fugio,
& amo, quippe quo nihil est ad
narrandū iucūdius. Cuius enim
pij hominis lingua Abrahā ipso,
atq. eius omnib. documentis non mirifice dele-
ctatur, atq. adficitur? Quis illum senio confectū,
& ad montem magno studio properantem aspi-
ciens tamquā ad nouum & admirabile quoddam
spectaculum non etiā properans sequitur? Quis
illum ad vnigeniti sacrificium atq. inmolationē
minime cunctantem videns, non & admiratur se-
cum, & dicit, Pro Deus bone, ut hic nullis aut ver-
bis, aut cogitationib. vsus indulget, ut mente nihil
agitauit huiusmodi, Hem, mihi semper noua lex
aliqua praesentia bona de manibus excutit, eaq.
ut spernam, iubet. Nouae semper ac damnosae le-
ges inponuntur. Ab ipso statim initio ad extre-
mum vsq. durissimis multatus imperatis, relicta
patria, in aliena terra iussus habitare non recusa-
ui. gentem cum haberem parta cognatione, simul
ac tamen dictum illud audiui, Egrede de terra *Gen. 12.*
tua, & de cognatione tua, sequestrari, meq. priua-
ri passus sum. Agar vero ipsam cum deamarē, ac-

- Gen. 21.** **Galat. 4.** cepta lege, Eice ancillam, mulierculam simul, & desiderium eiei meum. Quem diligebā Ismael iussus expuli. Reliquus erat Isaac, atq. hunc quidem ipsum etiam in monte caedere, & cremare iubeor, munus videlicet e sterili mihi primū datum. Satiū vero fuit non dedisse, quā datum iam tollere. Orbus fuisset melius, quam naticida pater. Inevitabile prorsus imperium cogor subire. Dicam Sarrae iussum sacrificiū? at carissimum sibi filium negabit. Clam scilicet abducam, atq. inmolabo? & quibus in eam post hac oculis intuebor? Verum haec missa ut faciam, tot hospitib. totiens acceptis humanissime, nunc inhumanissimus quem genui filium qui possim occidere? Horum omnium inmemor patriarcha, quasi depositum redditurus ad inmolandū properabat filiū.
- Gen. 22.** Atq. ille quidem conspecto monte ardentior, ac diuina vi ferebatur inflammator. Vbi vero radices montis attingit, holocausti ligna Isaac vmeris inponit, hostiam simul atq. aram filium faciens suum. Praeclare quidem ille nostrum adumbrās Abraham, vnigeniti omnia in vnigenito expressit. Quod enim ad sacrificium ducit Isaac, quaeq. ad sacrificium pertinent ligna, vmeris eius inponit, ea vero vnigeniti vmeris crucē baiulantis descriptio fuit. Verum dominus alienos quoq. suis ipsius adfectos ac dolentes doloribus habuit. Illum
- Luc. 23.** enim ingens multitudo sequebatur, in qua mulieres erant & pectus tundentes, & vehementer lamentantes. Isaac vero etiam parentum caruit doloribus tum, cum verbis mire ad commouendū efficacib. naturae stimulos admoueret, Pater, in-
- quien s,

quiens, ecce ignis, & ligna, vbi autem victima ho-
 locausti? Quam ad filij vocem nihil illius frange-
 batur animus, nihil admotis naturae stimulis in-
 tus incendebatur, ac ne tantillum quidem se ver-
 tens vsquam ipse lacrimans ingemuit. Sed idem
 ignifer, atq. ensifer in montem properans, aram
 quasi lectulum sternens excitabat, ignē quasi co-
 quendo accendebat opsonio. filium perinde ac vi-
 ctimā reuincit. Vincit Isaac, ictum demissis cer-
 nicibus excepturus expectabat. O pij hominis
 Abraham inmanem feritatem. Saltem blanditus
 filiū caede. minime vero colliga. aut si conligas,
 conmiseratus adloquere, & paternis atq. amanti-
 bus filiū verbis consolare. Non ego, fili, conmotā
 mente caedem facturus, tibi vulnus infero. Man-
 datum te domini victimam arae inposuit. Noli
 ingemiscere quasi hostem, non patrem nactus.
 Te enim ego Isaac & vehementer diligo, & mecū
 viuere equidem vellem. sed nimirū Deo postha-
 benda sunt omnia. Tu fili abi, & vale, mihiq. vel
 supremum da complexus osculum. Horum ille
 nihil ne cogitans quidem, sed totus vni intentus
 sacrificio, quasi vitulum mactaturus imminebat.
 Quo tum vis amoris, quo naturae coniunctio co-
 gnatioq. pulsa discesserat? Ac si ferrum quidem
 in filium stringitur, ecquando Salomon leui ver-
 borum spiritu genitalem mox excitauit ignē? quo
 facto egregij cuiusdam iudicis laudem consecu-
 tus est. Tu vero iudicij illius rationem cognosce,
 vt in Abraham amoris ac propensae in filium na-
 turae victoriam magis etiā admirere. Venerunt, 3. Reg. 3
 inquit, duae mulieres meretrices ad Regem, ste-
 te runtq.

teruntq. coram eo. quarū vna, Rex, inquit, ego & mulier haec habitabamus in domu, & accidit die tertio, vt haec etiam pareret filium, & quidē ambae ibidem, nec quisquam nobiscū alius. & haec noctu dormiens filio incubuit suo, atq. ille mortuus est. at filium meum viuū meīs ex vlnis rapuit, & ego ancilla tua dormiebam, & posuit filium suū mortuū in sinu meo. Ait vero altera, Nequaquā domine, sed filius meus viuus, huius autem mortuus. Quid igitur Salomon sapiens in communibus omnino verae falsaeq. matris argumentis anceps inuenit? ferrum adhibet. viscerationem minatur, naturam scilicet, se se vt prodat ipsa, sic irritans interim. Sumite, inquit, mihi gladium, ac puerum diuidite in partis duas, partem vtriq. dimidiā date. His natura temptata, & percussa vocibus, quam nouerat matrē, confessa est. At altera parentis mentita nomen iudicis commendare sententiam. nec enim mater erat, eius vt in filium amor deprehenderetur, cuius in pariendo dolores antea nulli fuissent. Vera autē mater eiusmodi sententia vehementer aestuans falsi parenti integro puero cedere, Date, inquit, illi infātem viuū, & nolite interficere eum. illa, inquit, parēs vocetur. eius ille sit filius. seruetur modo. filius eius sit, quantumuis me parentem minime vocet. raptum mihi filium liceat tantū dolere, ne eiusdem & raptu, & interitu dolores, & la crimae conduplicentur meae. Praeclare vero Abrahāe subiecta despectaq. natura dormire ac stertere. Inmolatus utiq. Isaac fuisset, nisi prohibitus, & crebris vocib. reuocatus Abraham restitisset.

tisset. Abrahā, Abraham. Tamquā inpotentis, ac vix retinēdi equi cursum, sic illius ruentis impetū dexteræ geminatis repressit clamorib. Abraham, Abrahā non extendas manū tuā super puerum, neq. facias illi quidquā mali. Isti animi tui proposito sacrificium imputo. Mihi pro sacrificio, & quidē maximo est egregia ista sacrificandi voluntas. Quam dedi prolem, non repeto. Neq. tu a Sarra matre dulcissimū filium auerteris. tibi vero satis sit ipsa fuisse ornatum atq. auctum figura. Est mihi vnigenitus dilectus filius. Ille in saeculo versaturus aderit. ille pro mundo immolabitur. Etenim voluntaria filij tui caedes, o patriarcha, saeculo prorsus inutilis fuisset. Vnigeniti vero mei caedes saeculo futura est salutaris. Haec vbi dixit Deus, etiā victimam dedit, perinde ac si sine sacrificio domum reueri Abrahæ gladius recusaret. Abrahæ igitur zelo inardescamus omnes. Vnigenitam carunculam in sacrificium adhibeamus. ipsi naturæ dominum praeponamus, nostræ carnis pondus in sacrificium feramus. Etenim quadregesimæ tamquam montem conscendimus, & abstinentiæ tamquā ad aram corpus nostrū deligamus sic, vt Isaac ipsum, ad eam, quæ in monte fuit, aram patriarcha deligauit. Ieiunij gladiū tantisper iugulo supponamus, dum quemadmodum olim Abraham saluari in stirpe inhaerentē ac detentū cernamus agnum. quo de agno Baptista Iohannes ait, Ecce agnum Dei, qui *Ioh. 1. 1.* tollit peccatū mundi. Ipsi gloria, imperiū, honor, adoratio nunc, & in saecula saeculorum. Amen.

S. P. A.

S. PATRIS NOSTRI
 ATHANASII ALEXANDRINI
 ARCHIEPISCOPI ORATIO
In magnam Parasceuen.

Achille Statio Lusitano interprete.



MAGNA omnino caelum molitio, ac totius, quae cernitur oculis, creaturae princeps vocatum ut esset. Magna est, & admirabilis Angelorum natura, varia, quaeq. videri nequeat, pulchritudine praedita. Certat cum utroq. sol ipse diurnas lucis cui brans faces. Terra vero Dei suspensa imperio mentem cogitationemq. percellit. graue scilicet, ac deorsum nutans elementum aquis gestatum ac vehens. At late diffusum mare quis aspiciens explicet, harena quidem praecinctum, spiritu vero temperatum? Pulchra omnia, & quidem valde pulchra. quippe quae conditoris omnium ars, ac sapientia effecerit. Sed tantarum rerum pulchritudini ruborem quodammodo incussit homo delati honoris abundantia, & ijs, quae coluit, auctor potius & inlator iniuriae. Mira enim omnia, supra eius modum, creaturae tribuens, illam non tam honore, quam contumelia potius adfecit. Quo facto multiplicis erroris abunde parens extitit creatura. Sed nimirum aberrantem naturam miseratus est Deus, crucemq. in medium ad sui notitiam hominib.

Gen: I.

hominib. protulit quauis creatura praestabilius instrumentū. Caelum igitur ad impietatem corrigendam, ac mutandam nullius vsus fuit. Sol autem erubescens ipse cultores suos cohibere non potuit. Terra vero curando corpori pharmacorum ferax, aegro tamen animo opem ferre non ullam potuit. Mare ipsum morbi eiusdem curationi prorsus inutile. Itaq. caecutiens homo, & creaturas obiens omnis, vt quidquid obuium habebat, atq. tractabat, pro Deo colebat, inueniendi Dei vel impos omnino, vel minime cupidus. quē cum creaturar. coetus omnium praedicaret, hominem tamen ad eam disciplinam prorsus indocilem non potuit adducere. Sed profecto quod caelum non potuit, crux effecit. quod sol minime docuit, crux inradians ad notitiam Dei lumen praetulit. Vile lignum, sed quod ipsum plantatum, terrarum orbem impietati deditum ad omnem pietatem mirabiliter excoluit. Lignum vindictae ac damnationis damnatis ipsis libertatem ac salutem attulit. Inualida prorsus, nec ulla spes salutis hominum condicio languebat, cui tamquam medicus salutaris crux adhibita medicinā fecit. Siquidē ligno quasi telo mors olim armata naturam obsedit humanam. itaq. per eam, quae in edendo fuit, transgressionem, viam sibi protinus atq. ingressum inuenit. qua via patefacta genus hominum morti deinceps addiceretur, vt ij qui communem naturam scilicet sortiti essent, poenae quoq. consortes fierent. Ergo suum auctor figmentum miseratus, lignum ligni remedium

Sap. 13.

Psal. 18

Rom. 1.

dium dedit, & passionis dispensationem depellendis passionis malis remedium praeiuit, victorq. cum morte mors obarmata felicissime pugnauit. Itaq. in libertatem iterum vindicatus est homo, & quidem reb. ijs, quib. ad mortem praecipuus dabatur, immortalitate parta. Quib. enim rebus damnabatur, isdem absoluebatur. O uere diuinam sapientiam, ac caelestē omnino sollertiā. Crux tollebatur, & diabuli potentatus damnabatur. humi crux defigebatur, & Iudaeorum fastus deprimebatur. Plane ut intellegeres rerum admirabilium tam multarum non ipsum per se lignū, sed eum, qui ligno ad victoriā utebatur, causam fuisse. Crux, passio, clauis, lancea, mors ipsa deniq. quasi quaedam incunabula & fasciolae vitae fiunt aeternae. His secundus homo ad vitam rursus tamquam partu est editus, & quib. olim reb. protoplastus Adam condemnatus est, his Adam nouissimus liberatus est. Quib. utiq. ab rebus hominum renouantur, atq. extolluntur initia. Hodie dominus IESVS damnas ducitur, & ad tribunal a tribunali mittitur. Caiphas sententiam dicit, quam Pilatus excipiens adprobat. Christus autē minime detrectat, quo mundum videlicet damnatione liberet. O mira, inaudita, inopinata. Mortis sententiam libens subit atq. amplectitur Dominus, & continuo Barabas absoluitur. nulla interposita mora reis crux liberationē donat. Neq. vero tu hoc loco Iudaeorum mihi nequitia spectata, quod optime de se merito praetulerunt homicidam, sed quod initia ipsa damnationis, reis
ipsis

Matt. 26

& 27.

Marc. 14

& 15.

Luc. 22.

& 23.

Ioba. 18.

ipsis liberationis fiunt initia. Atq. is quidem, qui
 reorum poenas amplexus est, iustus ipse viuorū, *Matt. 16*
 ac mortuorum iudex apparebit. Quamobrem *et 25.*
 diem olim statuit, qua die in homine Deus iudi-
 cabit orbem terrarum. Cui nos rei fidem habere
 voluit Deus, qui suscitauit illum a mortuis. At Iu-
 daei reliqua omnia mortis genera praetermitten-
 tes, vnam in crucem voto atq. animis ferebantur
 & supplicij, & indignitatis instrumentum. Ligno
 Dominū ad mortem adplicant rati mortis acer-
 bitatem sic auctum iri, cum potius, quod eos late-
 bat, insignis victoriae signū tollerent. Nec eo con-
 tenti, latrones mortis socios esse coegerunt, vt il-
 la nimirum mortis societas sepultura prorsus fie-
 ret indigna. Nesciebant scilicet latronē cum Chri-
 sto crucifixum, Domini, quem crucifigerent, re-
 gni praeconem diligere, Memento mei Domine in *Luc. 23.*
 regno tuo, clarissima voce personantem. Crucifi-
 xus est vt raptor, sed qui nimirū extitit euangelij
 praedicator. vt regē veneratur, quem contemne-
 re monebatur. Memento mei Domine, cum ve-
 neris in regnum tuum. Quid ais latro? an quae
 pateris, nescis? Non tu meministi clauorum, non
 vim dolorum sentis? atq. vt in templo deprecans,
 non vt e ligno pendens orationem supplex fun-
 dis? Verum, inquit, Deum agnoui, atq. illi gesti-
 ens supplicaui. Illius dignitatē ipsa ex inscriptio- *Iob. 19.*
 ne cognoui. Damnatio ipsa regnum praedicat.
 accusatio ipsa diadematis fulget gratia. Etenim si
 crucifixus regnat, quis erit tandem coronatus? Re-
 gnum agnoscit creatura. Sol illum videt pende- *Luc. 23.*
 re,

re, atq. idem non audet apparere, ac pro Domi-
no tamquā pugnans lucem ipse subducit suam.
Iudaeorū scelus intempestiua atq. inopinata no-

Matt. 27 &e condemnat. Terra tremens commouetur,
eos qui Dominū cruci suspenderunt, cruci pro-
pemodum etiam ipsa suspendens. Quin igitur
regem esse hunc ipsum tot adfectum contume-
lijs credā? Clamat titulus, creatura testatur, quas
litteras lego, reapse intellego. Memento mei Do-
mine in regno tuo. O acerrime Iudaeorum accu-
sator latro. o paradisi custos latro. o in retinen-
do paradiso progenitore constantior, firmiorq.

Gen. 3. latro. Ille manum in lignum tendens infelicititer,
possessione excidit; tu manib. in cruce feliciter
passis atq. explicatis, quod amissum fuerat, rece-
pisti. O bone atq. ingeniosissime latro, quippe
qui auitam hereditatem amissam vno statim con-
gressu reparasti. o regni confessor atq. heres la-
tro. o qui breui dicto caelum subaperuisti latro.
o noui carminis, quo miri thesauri elicerentur,
inuentor latro. Tu legitimi hominum furti ma-
gister latro: tu reditus in caelum cruce monstra-
sti. tu laudandi doctor latrocinij. tu expetendi
furti praeceptor. tu magni furti magnae quoq.
mercedis syngrapham facis. Tu magnum atq.
vberem martyrij fructum docuisti. cuius tarda fi-

Matt. 10 des, velox & accelerata confessio. Accessisti nouis-
simus, coronaris primus. Tu fidei quanta, quāq.
praeiens vis sit, ostendisti. tu verae fidei dolorib.
ad partum tempus non esse necessarium demon-
strasti. O Iudae ipse acer accusator. o ipso pro-
ditori

ditori Iudae grauior laqueo. Tu Iudae proditionem auctori diabulo fraudi vt esset machinatus, *Ioha. 13.*
 iusta Christū mercatus es emptione; iustarumq. vindiciarū, ac legitimae possessionis crucem testem adhibuisti. tu Petri commilito, idemq. socius, & confors Apostolorum. Successit autem cruci sepultura. quam in sepulturam antea numquā *Matt. 27.*
 inlatum cadauer. sepultura, inquam, resurrectionis officina. sepultura, qua sublatae, sepulturae, *Luc. 23.*
 qua mors esse mors desijt. vbi sata & plantata vita interminata. Bene habet. Sepulchrum nouum fuit. quae profecto gratiae voluntas & consilium fuit, ne videlicet conditorum multitudo incertam resurgentis gloriam faceret. ne quis iterum Iudaei calumnijs locus relinqueretur. Vacuum prorsus deposito Domino sepulchrum cernitur, Iudaicum os obstruens, ac propemodum in Iudaeum vocem mittens huiusmodi. Quid ais nebulo? mortuum alium vides neminem. Ergo ad pedes resurgentis accide. surgentem intueri, ac verum etiam dominatorē agnosce. Quem enim mihi tu mortuum tradidisti, hunc suapte ui surgentem tibi immortalem reddo. Sed Iudaeis hoc satis non fuit. addunt sigilla sepulturae. O te miserum atq. infelicem. An qui dolores mortis soluit, sigilla tua ista non soluat? Qui spoliavit infernum, sigilla tua ista vereatur? Inprime sepulturae signum. lapidem nota. milites adhibere. monumentum obside. egregium Domini facinus reddes maius atq. inlustrius. Etenim resurrectionis spectatores comparas. testes resurrectionis adducis.

adducis? mirabilium meorum praecones tuos
 ipsius ministros facis. Huc igitur fratres adcurra-
 mus. parturientis sepulturae tamquam dolores
 Int. 27 expectemus. Iosephum, & cum Iosepho pariter
 currentem Nicodemum dona ferentes ipsos at-
 tendamus. Munda sindone, lintheolisq. ac su-
 dario Dominum vniuersitatis obuoluunt. myr-
 rham aloenq. secum signa immortalitatis ferunt.
 Spectemus parturientem resurrectionem. Sepul-
 turae vterū immortalitatis parentem intueamur.
 Expectemus dum e tumulo surgentem Christū,
 ac triumpho insignem videamus. insignem de
 morte, de tyranno parta victoria. laeti laetum ad
 regem inmortalem accedamus. Eius enim est im-
 perium, & potestas, & gloria in saecula saeculo-
 rum. Amen.

HIERONYMVS IN CATALOGO

Scriptorum Ecclesiasticorum.

Amphilocheus Iconij Episcopus nuper mihi li-
 brum legit de Spiritu sancto, quod Deus est,
 & quod adorandus, quodq. & omnipotens sit.
Hæc Hieronymus.

Multæ præterea composuit opuscula, quæ non dum
 sunt edita, & in quibusdam seruantur biblio-
 thecæ. Ad eundem etiam D. Basilus magnus
 scripsit librum de Spiritu sancto.

S. P. A.

S. PATRIS NOSTRI
 AMPHILOCHII ICONII
 EPISCOPI
 IN SABBATI SANCTI
 DIEM ORATIO.

Achille Statio Lusitano interprete.

EVNEBREM feriam feriamur hodierno die, festum Saluatoris nostri diem hunc agentes. Atq. ille quidem infra apud mortuos vincula dirumpit, infernum larga luce conlustrat, dormientes excitat. Nos autem superne terram calcantes, choreas ducimus, resurrectionem praeceptam animis ante complexi. Neq. vero illud veremur ne contra incorruptionē corruptio praeualeat. Non enim, inquit, dabis sanctum tuum videre corruptionem. Inrideant fortasse nostram hanc philosophandi rationem Iudaei, & Graeci. Iudaei quidem Christum alium dum recipiunt, atq. expectant, Graeci vero spes omnis suas simul cum corporib. dum sepulchris claudunt atq. deponunt. de quib. merito intellegatur illud prophetae, Sepulchra eorum, domus illorum. Rident quidem illi postea ploraturi. plorabunt enim videntes in quem conpunxerunt. Nos vero flentes licet, voluptate dolorē temperemus. Rapuit mors Christum dominum, sed vitam nimirum mors tenere non potest. Dominū nescia mors hausit, quem
 D cum

Psalm. 15.

Psalm. 48.

cum multis iam iamq. reuomet. Tenetur quidē ille nunc volens, qui postridie huius diei direpto

Luc. 23. resurget inferno. Hesterno die solem crucifixus obscurauit, atq. praestrinxit, occupante meridiē nocte. hodierno die mors accepto non noti generis mortuo dissipatur. Hesterno die Iudaeo-

Matt. 27 rum cernens insapiam luxit creatura, vestem mutauit, lugubres induta tenebras. hodierno die po-

Isa. 9. pulus qui erat in tenebris, vidit lucem magnam.

Matt 27 Hesterno die tellus quatiebatur, ac de fuga pro-

Ibid. pemodum cogitabat, discessum hiatumq. se colentibus minitans. dissecabantur montes, scinde-

bantur petrae. Templum ipsum nudū quasi animatum ac sentiens, suam ipsius vestem discidit, doloris sui causam, quod essent sancta violata, significans. Inanima ipsa tanti audaciam facinoris commota senserunt. at haec ausis animi sine v-

Esa. 53. lo omnino sensu fuerunt. Indignissime tantum facinus tulerunt elementa, adeo vt locum atq. or-

dinem prope deseruerint suum, & confusa om-

Pf. 103. nia permiscuerint, nisi explorata conditoris sui

Hiere. 5. voluntate, non inuitum illum adfici contumelijs

Exod. 15 intellexerent. O rem nouam, atq. inopinatā. Li-

Psal. 80. gno tenditur, qui verbo caelum tetendit ipsum.

Vinculis arcetur, harena latū mare deuinciens.

Felle potatur is, cuius beneficio melle fontes sca-

tent. Spinis coronatur, qui terram floribus coro-

nauit. Harundine pulsatur illius caput, qui decē

plagis olim calcans Aegyptum adflixit atq. pro-

Exod. 14. strauit, Pharaonis caput aquis obruit. Conspui-

tur facies eius, in quā intueri Cherubim neque-

unt.

unt, Atq. ille tot inter acerbitates pro crucifigen-
 tib. se tamen orabat illis verbis, Pater dimitte il- *Luc. 23.*
 lis, non enim sciunt quid faciunt. Nimirum vin-
 cit in bono malum. Causam suscipit agitq. Chri *Rem. 12.*
 sticidarum, tamquam sagma simul omnes ad sa-
 lutem complexus. Peccatum ipsum, ignorantiam
 causatus, excusat. Illorum insaniam sustinet quan-
 tumvis ludibrio habitus. Temulentiam ferens pae-
 nitentiae eorum studio humanitatem interpreta-
 tur. Sed quid attinet plura commemorare? Nihil *Philan-
 theropia*
 illi contra bonitatis ac beniuolentiae referentes,
 sepulchro condunt quem eorum quae sunt, ni- *Matt. 27*
 hil continet. Sigilla inprimunt nostram ipsorum
 salutem custodientes, & resurrectionis metu ad-
 dunt custodiam monumento. Ecquis vmquam
 mortuum vidit obseruari? Quis de eius, quem
 confecisset ipse, vitae sine dubitauit, aut metuit?
 Quis non hosti, quem vita priuasset, gaudens non
 insultauit. Quis inimici tandem morte satiatus ini-
 micitias non deposuit? Quem tu Iudaeae sustulisti,
 times? Quem occidisti, metuis? Quid eum, qui de-
 cessit e vita, pertimescis? Quid e medio sublatum
 formidas? Quid quem crucifixisti pauitans per-
 horrescis? Tibi caede parta securitas. bono igitur
 animo es. Etenim si purus homo mortuus est, om-
 nino non resurget. Si purus homo, laudo quod cru- *Iohan. 2.*
 cem fixeris. Si purus homo, non vere dixit, Solui-
 te templum hoc, & in tribus diebus excitabo illud.
 Si purus homo, morte capitur actenetur. Si purus
 homo est, quid tu inepte sepulchrum signas? Ter-
 tium diem tantisper expecta, cum tuam ipsius in-

saniam coargui plane cognosces. Noli sollicito
 animo tanto opere satagere. Rerum videbis euen-
 tus. Feritatem istam ac rabiem contra veritatem
 susceptam depone. Pugnare cum Deo, teq. ipsum
 fauciare pugnando desine. In iustitiae solem con-
 vitiari tandem desine, dum eius radios, dum lu-
 men extinctum iri putas. Vitae fontem obruere
 inani contentione desiste. Praesides obtundere,
 & custodiam toriens inculcare desine. Falsa fin-
 gere, mendacium struere, milites sollicitare iam
 demum desine. Quid inutilem sumis laborem?
 Quid impietatis studio impendis tua? Quid tibi
 contra Deum victoriam fingis, ac pollicere? Ne
 tu mercedē militib. dederis pro alijs alia dictu-
 ris. Ne armatorum manū monumento adfiden-
 tē circumfuderis. Quid armis fides? Arma resur-
 rectionem non impediunt, sigilla non cohibent,
 milites non coercent, non furantur pecuniae, sed
 fides. An tu Lazarum nuper mortem quasi som-
 num excussisse minime vidisti, cum funeralib. ob-
 volutus fascijs, dicto, Lazare veni foras, audiens
 prodijt? Sequentem iussu mortuum vidisti, vineu-
 lis ipsis nihil ineditum. Morte dissectum ac dis-
 sipatum vox illa iterum solidavit atq. compegit.
 Ergo illa ipsa qui potuit efficere, haec nimirum
 etiam efficiet. Qui servū excitavit, multo se ipse
 facilius excitabit. An qui iam foetentem reuoca-
 vit ad vitam, se ipse mortuum neglexer? Sed pro-
 fecto incredibilis Iudaeorum caecitas, quae cer-
 nens ipsa miracula, non cernit tamē. Oculos ha-
 bent, & non vident, auris habent, & non audiunt.
 Etenim

Ioha. II.

Ps. 113.

Etenim huius saeculi Deus excaecauit corda eorum, ipsis vt euangelium iustitiae non inluceat. Verum illos nunc quidem suae nos incredulitati relinquamus; idemq. cum fidis Mariae illius fidelis focijs cogitantes ac voluentes animis sepulchrum Domini, quasi illud ipsum agentes dicamus, Tulerunt Dominum nostrum, & quid illi fecerint, nescimus Cui cū immaculato patre, & spiritu sancto gloria nunc, & in perpetuum, Amen. 2. Cor. 4. Iohan. 20

Gregorius monachus admirabili uitae sanctimonia, singulariq. doctrina Caelestini Romani Pontificis, & Cyrilli Alexandrini episcopi summa voluntate atq. opera factus est episcopus Antiochiae. Vixit in monachatu religiosissime xij. ipsos annos. Quo tempore multos varijs languorib. atq. incommodis corporis adfectos liberauit. Cumq. caelestis sapientiae incredibili quodam studio flagraret, hanc ille Spiritus sancti magisterio summam est adsecutus. Qua instructus postea Alexandriam venit, & infinitam per id tempus bacchantium Arrianorum multitudinem, cum signorum, tum doctrinae vi, atq. ingenij acumine de sententia deduxit. Interea vero Iohannes Antiochenus episcopus, is qui aliquando a Cyrilli Alexandrini episcopi rationib. uehementer dissenserat, moritur. Tum Cyrillus spectata Gregorij pietate doctrinaq. vt pote quem Alexandria toto iam triennio versantem cognouisset, clerum populumq. Antiochenum per litteras admonet, ne quem alium, nisi Gregorium episcopum legerent, cuius virtutib. pares aliorum non essent. Quod eius testimonium Caelestinum quoq. Romanum Pont. mouit, vt idem

vellet. Cumq. episcopi tres Antiochenae provinciae
 ordinandi deducendiq. Gregorij causa Alexandria
 venissent, fugiens ille, ac ne fieret episcopus, omnia
 expertus, communib. omnium votis ac precibus tan-
 dem victus cessit. Nec tamen eius auctoritatem loci
 prius voluit contingere, quam populus, sibiq. creden-
 da ciuitas omnis polliceretur ex diuinae legis prae-
 scripto vitam se omnes esse ducturos. Deinde cum
 Flavianus Constantinopolitanus episcopus Romam
 ad Leonē de Eutychis haeresi multa questus scripsis-
 set, eius rei causa Leo Gregoriū Chalcedonensi Con-
 cilio praefecit, in quo ille suarum virtutum omnium
 multa omnino documenta edidit. Illud vero insigne.
 Marcianus quidā inprimis potens ac nobilis, cum ad
 eum conuentum uenisset, patribusq. amentiam atq.
 errorē exprobrasset, Quid te, inquit Gregorius, suu-
 rum sit, iam iamq. intelleges. moxq. captus oculis, cae-
 cutientis animi tenebras demum agnouit, & Grego-
 rij opem inplorans, mox etiam restitutus est, fassus er-
 rores suos. Itaq. dimisso Concilio cum ingenti omnium
 admiratione adplausuq. Gregorius Antiochiam re-
 disset, magnae illius Synodi fidem publice suis expo-
 Iohan. 2. suit. Simile omnino illius Christi domini signū aliud
 fecisse memoratur, ut laborantib. ac desiderantibus
 suis, hydriā frigidae uerterit in uinum dulcissimum.
 Scripsisse dicitur librū de cccxvij. patribus Nicaenae
 prioris Synodi. Qui uero tris illū scripsisse tractatus
 memoriae prodiderūt, decepti sunt huius unius tripar-
 tito orationis argumento. Vixit in episcopatu annos
 xvij. & xxxvij. eius ciuitatis numeratur episcopus.
 Haec fere ex historia episcoporum Antiocheno-
 rum litteris, & uerbis scripta Chaldaicis.

S. PATRIS NOSTRI
GREGORII EPISCOPI
ANTIOCHIAE

IN DIVINI CORPORIS SEPUL-

turam magni Dei & Saluatoris nostri IESU

Christi; & in gloriosam a mortuis eius

triduanam Resurrectionem,

& in Ioseph ab Ari-

mathea, Oratio.

Achille Statio Lusitano interprete.



AUDETUR vero ecclesiae lex, atq.
institutum, quo triduanæ Salua-
toris nostri mortis memoriam
quasi mortuorū thesaurū quem-
dam celebrare, ac colere iube-
mur. Quis enim vitalem Christi mortem cogi-
tans, mortuos ipsos sic in loculis, vt in lectulis re-
cumbentes non existimet, opperientes caelestem
tubam e monumentis nos omnes formidabilem
ad diem illum iudicij conuocantem? Quis ad sa-
lutare sepulchrum illud conuertens oculos non
vt vitae thalamis quibusdam, sic mortuorum se-
pulchris adstet intentus? Quis qui Dominum re-
surrexisse credit a mortuis, non perinde animo
adficitur, ac si resurgens ipse resurrectionis per-
eum compos fiat? Quia vero praeclaræ huic ec-
clesiae parentes legi atq. instituto, ad eos qui in
sepulchris dormiunt, vigiles concurristis, quia

1. Co. 15

1. Tess 4

D 4 quos

quos angit stipatq. locus, desiderium dilatat; quia
 vuae instar pulcherrimae Christi cupidissimus
 vniuersus populus constipatus atq. confertus, ipsi
 coaluistis, expetitur vobis mortis audite myster-
 rium; auditum intellegere; quod ipsum intelle-
 ctum, male intellegere atq. interpretari nemo
 possit. Christus ipse dominus, ipse Dei filius vni-
 genitus, qui suapte sponte, nulla necessitate vi-
 ctus ascendit in crucem, & vniuersam creaturam
 passis complexus manibus, ac potestates inuisibi-
 les voluntaria passione confodiens omnes, car-
 nem tamen sanctissimam suam vniuersae natu-
 rae causa triduanam gustare mortem voluit, qua
 mortuum genus humanum immortalitate dona-
 ret. Namq. sanctissimum caput reclinans suum,
 carni mortem iussit accedere, statimq. obsecuta
 mors adfuit, regijsq. serui instar praeceptis ob-
 temperans, quod permittebatur, complexa cor-
 pus tenuit. Corporis, inquam, illius potita mors
 est, quod est ipsis verendum Cherubim, ipsis tre-
 mendum Seraphim, sic ipsius corporis volente
 domino. Cuius anima ad ceteras quoq. animas
 redemptionis euangelizandae causa decurrit;
 nec eius tamen diuinitas vnumquam se vel ab ani-
 ma, vel a corpore disiunxit; nec enim post vni-
 onem diuinitas vlllo vnumquam modo ac tempore
 ab humanitate separata est, sed in caelo eodem
 ea tempore, atq. in sepulchro; impassibilis, inui-
 olata, incorruptaq. suum ipsa custodiens inuolu-
 crum, ac regimen. Quib. rebus omnib. a Saluato-
 re nostro sic administratis atq. perfectis, Iosephus
 vir

vir imprimis clarus, & copiosus, ab Arimathea profectus, qui Crucifixi discipulus fuisset, munus extremum ac vicem magistro redditurus, accessit ad Pilatum, his eum deprecatus verbis. Scilicet pro mortuo deprecationem adhibeo, ab inimicis varie calumnijs vexato, ab amicis ipso passionis tempore trepidantib. deserto. Pro mortuo supplicatum venio, cui nec aurum, nec argentum ullum fuit, non miles, non socius, non satellites, sed una tantum mater paupercula, suo illo partu ac fetu dives. pro mortuo, inquam, sed voluntaria morte adfecto; numquam enim mortem nolens operetisset; legatione defungor. Ergo de cruce deponitur is, qui nemini quidquam nocuit, beneficijs vero innumerabilib. alios adfecit. Da vero munus hoc mihi, quo maius aliud dare non potes. da munus, inquam, quo me dato bees. Da vivificantem mortuum, ipsum uti humo condam. Da beatissimum corpus istud, quo aspectu velum suum templum discidit. Da corpus, quo petrae scissae, ruptura luctum testatae sunt. Liceat sanctarum manuum deosculari vulnera, quibus animae meae curatae sunt vulnera. Liceat sacrosanctum latus illud attingam, e quo sanguis mysticus, & regenerationis aqua profluxit. Hument manus hac, qui nostrae olim mortis tollet originem, atq. incunabula. Curent digiti fontes hi totius operatorem iustitiae. Carnem tangam nullius omnino infectam labe peccati, quam o perbeatum quisquis attigerit. Efferam vero, atq. deducam sepeliendi causa, qui sua mortuis monumenta referabit.

Matt. 27

Marc. 14

Esa. 53.

Matt. 27

Ibid.

Iohan. 19

- rabit. Inferam vita functis fontem resurrectionis. Iis qui caeco ac tenebroso tenentur inferno, resurrectionis lumen accendam. Atq. haec quidem Iosephus pie loquebatur. cui Pilatus liberrissime morem gessit. Namq. diuina vis eius, qui poscebatur, mortui, haec dum geruntur, ut Deū decebat, animos nimirū ipsos agebat, Pilatumq. in obsequium flexerat, atq. mollierat. Ergo legatus idem, fit mox etiam humator; & quod exoptauerat, sumpto adfusus corpori, sua ipsius labra membris sanctissimis admouit, illud secum interrim cogitans; *Matt. 9.* Mulier sanguinis fluxum patiens, contacta modo vestimenti eius simbria, fontem sanguinis sistere potuit, atq. siccare; ego diuinum corpus ipsum contingens, quid bonorū non etiā consequar? Mox sindone pura margaritam inuoluens purissimam, nouo hanc in monumento conlocauit, ostioq. monumenti inpositurus, lapidem aduoluebat lacrimans, & ad sepulchrum identidem se se conuertens ipse, atq. respiciens, magistro se priuatum dolebat. Praeuertit autem Iosephi in magistrum pietatem hanc, Iudaeorum impietas; quorum, cum ad Pilatum venissent, eius modi fuit oratio; *Matt. 27* Domine recordati sumus, quod seductor ille viuens adhuc dicebat; post tres dies resurgo; iube ergo custodiri sepulchrum vsq. in tertium diem, ne forte venientes discipuli eius, furentur eum, & dicant plebi, quia resurrexit a mortuis; & erit nouissimus error peior priore. Quid ais seductor, impieq. Iudae? An tibi sedu-
Iue. 17. ctor videtur is, qui tuae gentis leprosos sanauit?
Is in-

Is, inquam, seductor, qui tribulib. tuis innatam demum noctem abstulit? Seductor ille, qui daemonib. agitato, errore atq. insania daemonum liberauit? Seductor is, qui desertis in locis non elaboratam, non manib. hominum cultam mensam adposuit? Seductor is, qui Lazarum a sepulchro reuocauit, ac mortuū ipsum quasi dormientem, verbo tantum excitauit? Seductor Christus, ecquis verax igitur? Seductor Christus; quid, quae locutus est seductor, times? Seductor Christus; quid illius igitur mortui vocib. paues? Plane de resurrectione viuens adhuc dixit. Iis, quae praedixerat, plane credis. quid ne qua effugiat atq. elabatur frustra laboras miser? Nam nisi, quē dicis, mortuus resurgat, sit profecto, de quo impie loqueris, ipse seductor. Quid ad hos igitur Pilatus? Habetis custodiā, ite, custodite sicut scitis. Si inimicum Dei, atq. iniustum, sic enim vos eum vocatis, tanto opere timetis; si mortuum viuentes formidatis; habetis custodiā, habetis milites, aduersus vnū multi arma ferte, formidabilē vobis obseruate mortuum. Obsignare sepulchrum vultis? obsignate. Catenis ferreis vultis circumdare? circumdate. Ne vos postea dixeritis, Si custodire sepulchrum nobis licitum fuisset, non vtiq. mortuū perdidissemus. Ite, custodite sicut scitis. Si in Petrum incidetis, armis oppressum occidite, ac quisquis alius Nazaraei discipulorum aderit, impetum facite, eumq. mox interficite. Vos vero excubias illic agite, ne quis corū, quos suspectos habetis, vestrum clam rapere inimicum queat.

His

*Matth. 8**Marc. 1.**Marc. 8.**Iohan. 6.**Iohan. 11**Matt. 27*

His itaq. verbis, armis, militib. instructi hostes Saluatoris, incredibili animorum, alacritate dicam, an insania? sepulchro potiti, ferreis additis sigillis adfidere, atq. obseruare, quousq. scilicet, quem seruabant ipsi, voluit. His perfectis rebus, cum permixti custodib. Iudaei monumento adsi-

Matt. 23 derent, Vespere sabbatorum, quae lucefcit in primam sabbatorum, successura mox dominica, venit Maria Magdalene, & Maria altera videre sepulchrū. O rem prorsus inauditam, ac peregrin-

Matt. 26 nam. Petrus Christi militiae princeps ancillae vnus linguam modo extimescens, dominum videntem negauit suum; & mulieres, infirmum genus ac pauidū, eo mortuo adfaere, magistro suo, quos possent honores habiturae. Venerunt videre sepulchrū, vt inspecto Saluatore, suis ipsarum consternatis animis leuationem ac solaciū quaerent. Consolari enim dolentiū animos solent & sepulchri aspectus, & excussae lacrimae. Venerunt videre sepulchrum, & quam cupierant proxime accesserunt. quodq. metu Iudaeorum palam nō audebant, furtim ingressae, vnguentis sepulchrū spargunt, atq. inde furtim regressae, perfusos lacrimis oculos in sepulchrū intendentes, luctu & gemitu dominum videlicet curare, & consolari se sic putabant. Eaedem summissa inter se voce Iudaeos accusare. Qui tandem, aiebant, talem in dominū sunt ausi talia? nihil enim quod in eo accusarent, habuerunt. Qui tandem cruci adfigere non exhorruerunt, quem crucifixum sol ipse aspiciens aufugit? Quomodo eum morti tradere

Luc. 23.

dere non extimuerunt, qui nihil omnino morte dignum commisisset? Quid, qui ne morte quidem crudelitatem expleuerunt suam, cumq. uiuentem adhuc per summam insaniam insidijs frustra totiens adperissent, sepulchro etiam insidiantur mortui, & ab eo beneficijs adfectos arcent, neq. sepulchrū libere adeuntes adorare sinunt, ut pro ea, quam quisq. accepit, gratia aliquā certe lacrimarum vicem reddat. Haec illis inter se querentibus, Christumq. uti mortuum lugentibus, ipse, quē lugebant, dominus oculos fallens custodiae, relicto sepulchro, quoq. idem solus scit modo, inde silentio euolans, caelestem angelum cum mandatis huiusmodi misit, Vade ad mulieres has, viriles omnino ac fideles mulieres, me cupidas, meq. existimantes mortuum; quas a me victam mortem, meq. ut vides, etiam viuere doce, earum maerorem in gaudium atq. hilaritatem verte. Ista dextera lapidem reuolue, quem manus aduoluere multorum, ut intellegant legitimi regis legitimum quoq. militem vnum tyrannicis multis praestare militib. Mulieres ipsas in sepulchri mei thalamum inducito, ut inspecto voluntariae mortis meae loco ac monumento, meas opes, ac potentiam praedicent. Ostenta vero ipsis quoq. tē terribilē custodibus, atq. ista specie formidabilis metu eos percellito, ut intellegant demum non in potentia, sed benignitate atq. indulgentia, eorum audaciam me, atq. iniurias pertulisse. Ergo dominicum sepulchrum angelus actutum tenuit. Quid enim domini detractasset imperium?

Matt. 28 imperium? Ac primū quidē terram ab imo quatiens contremefecit, vt expergefactis custodib. quā ob causā adesset, enuntiaret. Deinde contuentib. illis lapidem reuoluit, atq. insedit, & signa inridens ferrea, & iudaeis lapidi nimis fidentibus inludens. Cumq. terrore ingenti custodes perculisset, iudaeos vero omnes propemodum examinasset, Quid, inquit, timetis Pharisei? quid contremiscitis, & tamquam exanimati in facies vestras cecidistis? Audaces in dominum seruus exanimat? Formidabilis vobis miles videtur, quibus rex caelestis fuit aspernabilis? praesentē vnū haud fertis angelum, quid conditoris vniuersorum claritas, vt vestros ipsa praestringet oculos? Me caelestem operam, quo minus lapidem reuoluam, prohibere atq. inpedire non potestis; & qui

Iohan. 2. tandem totius opificem creaturae templum corporis sui excitare volentem prohibere possitis? opus prohibere non potestis, opifici obuiam ire audeatis? Vos vero state, & quoquo versum intenti oculos circumferte. Non hic mecum Petrus, non quisquis alius piscatorum mortuum

Act. 17. mecum furatur; nec enim vllius eger auxilio Deus, non ullius opera opus est Deo verbo suā ipsius ad resurrectionem. Quae postquam ad custodes, ac Phariseos verba fecit Angelus, hosq. humistratos ac tremantes reliquit, conuersus deinde ad mulieres, hilarem se his, ac benignum praebuit, atq. earum animos omni absterisit metu.

Matt. 28 Vos vero, inquit, nihil timueritis; exultate potius atq. gaudete, quae praemio, & corona rem omni-

no dignam praestitistis. Nolite, inquit, timere vos, vnius enim mecum domini estis, eundemq. mecum dominum fertis laudibus. Scio, quia IESVM crucifixum quaeritis. Non IESVM mortuū dixit, nec enim tunc erat mortuus, sed IESVM crucifixum, id est, eum qui crucis ignominia contemnens calcauit. Non est hic, non est vbi putatis, non est vbi fuerat positus. Hae vero ad eum. Quid tu ais, angele? Nō hic est noster dominus? non hic est nostrarum causa lacrimarum ac luctus? Ergo frustra eum luximus, frustra eidem fū nebria munera attulimus? Non est, inquis, hic? Alio rursus sceleratissimi ac nequissimi homines eum transtulere; quiq. vitā illi antea, ijdem etiam sepulchrum inuiderunt. Non est hic? at vbi sit, iam iamq. nobis vt dicas, quaesimus. Quibus angelus, A vobis tanto opere expetitus vbi sit, vultis scire? Ego vero vobis edisseram. Surrexit sicut dixit. *Matt 28* Suo more vere dixit omnia, atq. hoc ipsum nunc verum est, surrexit sicut dixit. Sed quid ego ea, quae omnem orationem sensumq. longe superant, declarem? quo tandem pacto dominicae resurrectionis explicem mysterium? Triduana mors eius mysterium fuit, & eiusdem resurrectio vtiq. mysterium. Quemadmodū clausis virginis ianuis natus est, sic sepulchro etiam clauso resurrexit. vtiq. primogenitus e vulua ipso vni- *Hebr. 1.* genitus, sic primogenitus ex mortuis Christus *1. Co 15.* exiit. Huius quemadmodum partum matris, *Apo. 1.* sic e sepulchro eiusdem exitum cursumq. oratione complecti nequeo. Cerno oculis resurrectio-

- nis locum, in resurrectionem praeterea nihil in-
 quiro. Locum veneror miraculi, etli modum ra-
 tionemq. non adsequor miraculi. Quae nimirū
Matt. 28 video, eadem vobis etiam monstro. Venite, & vi-
 dete locū, vbi dominus erat positus. Hanc enim
 ob causam lapidē sustuli, non vti exituro IESU
 obsequens fores aperirem. namq. omnium ipse
Psal 13. auxilium, meo nihil egebat auxilio. Quippe an-
Esa. 28. tequam lapidem retoluissem, summus angularis
 lapis, vt quidem ipse voluit, iam exiluerat. Vos ve-
 ro vt & locum sciatis, & qui resurrexit, dominū
 laudibus concelebretris, Venite, & videte locum
 vbi positus erat dominus. Pronae in sepulchrum
 inspicite, ad caelum mox animis vt transferami-
 ni. Lacrimis indulgere desinite, viuente in mor-
 tuis quaerere desinite, immo vero tripudiantes
Osee. 13. morti conuitiū facite, ac dicite, Vbi tuus, o mors,
 stimulus? Vbi tua, inferne, victoria? Et cito euntes
Matt. 28 dicite discipulis eius, quia surrexit a mortuis, &
 ecce praecedet vos in Galilaeam, ibi eum videbi-
 tis, sicut dixit vobis. Cauete vero ne tantum mi-
 raculum silentio tegatis. nec enim seruis inpu-
 ne est, domini reticere miracula. Illae mixto ti-
 mori gaudio egressae quam primum e monumen-
 to, discipulis eius nuntiatum adcurrere. Has sci-
 licet mulieres ad cursum incitans Spiritus san-
Esa. 27. ctus, per Esaiam prophetam clamabat, Mulieres
 ab spectaculo venientes venite. non enim popu-
 lus est habens intellectum. Summa igitur con-
 tentione, atq. alacritate currentibus, inter seq. cer-
 tantib. mulierib. dum earum vnaquaeq. sibi cre-
 ditum

ditum euangelium Apostolis adferre prior studet, qui resurrexerat, repente adstans dominus, angeli verbis sua nimirum forma ac specie tanquam sigillo signum inposuit, & eorum animis quodammodo addens alas, Gaudete vero, inquit, *Matt. 28* damnas Eva iustificata est. exul Adam reuocatus est. fraus ipsa sublata est. serpens malus corrui. immortalitas hominib. proposita demum apparuit. Quas ob res omnis, festos dies agite. Ite, *Ibid.* nuntiate fratribus meis. Videte quā sim patiens ipse, atq. longanimis. fratres appello meos, qui me tristissimo crucis tempore deseruerunt. Noui *Matt. 26* enim adfectus iniuria longanimis esse. noui ferre eos, qui me nescierunt. noui seruorum meorum infirmitatib. aequo animo circumferri. noui peccantium miserari lacrimas. noui paenitentib. mederi. Ite, nuntiate discipulis, vt in Galilaeam veniant, ibiq. me videbunt. Nuntiate fratrib. meis quae vos omnium primae vidistis mysteria. Estote totius orbis terrae magistrorū magistrae. Norit utiq. qui me negauit Petrus, mulieres etiā *Ibid.* posse me creare apostolos. Eant vero in Galilaeam, lacumq. vilem illic videant, vnde ad rationalium piscationem piscium eos sum ipse piscatus. Haec quidem mulierib. dominus. Idem vero etiamnum baptismali in fonte fidelib. adest inuisibilis. Idem recens inluminatos vt amicos *Ioha. 15.* ac fratres osculatur, eisq. idem dicit, Gaudete. Idem laetitia, miraq. voluptate corda eorum animosq. perfundit. Idem sordentes suae gratiae fluentis abluit. Idem regeneratos sancti Spiritus

E inungit

- inungit vnguento. Idem rursus in altari bonus
Iohan. 6. recumbit, ipse cibator & cibus. Idem seruis suis
 spiritalem victum praeber. Idem pijs omnibus
Matt. 26 dicit, ac fidelibus, Accipite, comedite caelestem
 panem. Accipite, bibite lateris mei fontem, hau-
 stum quidem semper, nec umquam tamen exhau-
 stum. Saturamini esurientes. inebriamini sitien-
 tes, ebrietate caelesti. Verum o caelorum rex, qui
Hebr. 1. sedes ad dexteram maiestatis in altissimis. qui cor-
 poris expertum es potestatum dominus. qui vti
 vis creaturam moderaris. qui genus humanum
 benigne atq. amanter regis. qui die nobis hunc,
 celebritatemq. donasti. Nos quoq. sic, vt pecca-
Luc. 7. tricem olim, miserare, neq. persequaris Deus. Im-
 mo potius tua freti benignitate, corpus tuum san-
 ctissimum peccatricib. sumamus manibus, quem-
 admodum nec peccatricem ipsam quoq. vltus
 es, quae sanctissimos pedes tuos olim tetigit. Pa-
 tere quoq. te a nobis teneri indignis, ac pro tua
Luc. 5. bonitate nos etiam iuua, qui publicanos quoq.
 olim vocasti. Idem in timorem nos tui, tamquam
 in retia conclude, quemadmodum persecutorē
Act. 9. Paulum in apostolatum. caelitus expiscatus es.
 Fac, vt pura omnes conscientia viuificae resurre-
 ctionis diem festum peragamus. Etenim tu solus
 es bonus, ac benignus dominus, teq. vnum decet
 gloria, atq. imperium, cum purissimo patre tuo,
 ac viuifico spiritu, nunc, & semper, & in saecula
 saeculorum. Amen.

Sophronius venerabilis monachus, sic enim eum appellat sexta Synodus actione xij. Hierosolymorum postea factus episcopus, circa Heraclij principis tempora omnib. ingenij pietatisq. laudib. floruit. Cuius in sexta, ac posteriore Nicena Synodis frequens, eaq. perhonorifica sit mentio. Hic catholicae fidei fuit propugnator acerrimus, cuius in sancta diptycha nomen propterea relatū est. Extant in sexta Synodo, actione xi. eius ad Sergium Constantinopolitanum synodica. Quin & synodicorum eius ad Honorium Romanum Pontificem, meminit Photius Constantinopolitanus in bibliotheca. Scripsit idem encomium in sanctos Cyrum & Iohannem, nec non librū de vitis multorum sanctorum virorum. e quibus eius opusculis excerpta quaedam leguntur in secunda Nicena Synodo, actione iv.

S. PATRIS NOSTRI
 SOPHRONII EPISCOPI
 HIEROSOLYMORVM,
 IN EXALTATIONEM PRETIO.
*sae, ac viuificae Crucis, & in sanctā Do-
 mini Resurrectionem, Oratio.*

Achille Statio Lusitano interprete.



Crucis hoc panegyricum, sollem
 ne. ecquis autem gaudio non
 exultet? Resurrectionis haec prae
 dicatio. ecquis igitur non arti
 deat? Nam quae in Caluariae de
 pacta est loco, & vniuersae creaturae dominum si
 bi adfixum sustinuit, aduersarium nobis chirogra
 phum rescidit, nosq. peccati vinculis liberauit.
 Chirographū, inquam, illū, cui nostrū omnium
 parens Adam Dei praecepta transiliens primus
 subscripsit, vt cū animi voluptate vitulorū more
 solutis vinculis exultaret. Vbi enim abundauit
 delictū, superabundauit & gratia Dei. Crux mor
 tis ipsius pernitiē depulit, inferni tenebras discul
 sit, mortuos sepulchris excitauit, & vt cū prophe
 ta loquar, ab omnium ore lacrimas absterfit. Gra
 tiam vero nulli certo heredi, nulli proprie succel
 fori, sed omnib. dilargita est hominib. Nec enim
 proprium est cuiusquam resurrectionis munus,
 nec ad paucos eius etiā meritum pertinet. Deus
 enim

enim omni creatura prior, humanam postea carnem adsumpsit, in qua sepulchrum, siue potius resurrectionem condidit. qui priuatim inpartiri gratiam nescit. apud quem non est personarum *Rom. 2.* acceptio. Verus enim omnium Deus ad omnes *Galat. 2.* homines salutis gratiam propagat. Atq. ille quidem imagini suae sic pepercit, vt eam scilicet *Ephes. 6.* quam perfectissime instaurans renouaret. Namq. *Colos. 3.* homines terreni omnes ad imaginem Dei facti sunt. Praecesserunt crucis monumenta, ecquis nō se igitur ipse crucifigat? Eum enim verissimum adoratorem agnoscit Deus, qui se ipse mundo denum crucifixerit, idq. rebus ipsis declarat, ac modis omnib. amator crucis esse deprehenditur. Resurrectionis adsunt encaenia, ecquis autem fidelium pulsus procul letalib. passionib. & sumpta quasi animae immortalitatis veste non etiam renouatur? Namq. animae mors esse altera censetur, altera eius, quod circumfert ipsa, corporis. Et quidem illam peccatum, quemadmodum *Iacob. 1.* sedis huius princeps, ac rector ipse Dei frater Iacobus scripsit; hanc autem ipsa elementorum resolutio, ac discessio parit, quibus ex elementis corporis constat substantia. parit etiam animae separatio ipsius atq. excessio, velint, nolint medici, qui vnus modo corporis curationem profitentur, ac promittunt. Namq. homini quod praeceptis diuinis minime paruit, ab eo, qui se creauit, Deo haec omnino poena inrogata est. Crux sublimis tollitur, ecquis autem non etiam mystice sustollitur? Vbi enim redemptor extollitur,

& redemptus propius accedens profluit, optans
videlicet, & saluatori ad sociari suo, atq. eius in-
mortalium bonorum tamquā vindemiam face-
re. Hodierno die in medium resurrectio proce-
dit, & procedens omnia simul exhilarat. Hodier-
no die crux apparet, seq. adorantib. munera di-
largitur. Hodierno die resurrectio tamquam ex-
panditur, atq. explicatur, & crux ipsa in altum tol-
litur. Illa quidem interitum, corruptionemq.
haec vero daemonū copias concidens, atq. con-
fundens. Illa missa propemodum voce mortem
vera morte adfectam, haec per angelos ceteris
omnib. artes omnes atq. astus daemonum subla-
tos perisse penitus clare omnino palamq. pro-
nuntians. Atq. o rem prorsus miram. An myste-
rium verebor dicere? Nuper resurrectionē crux
ipsa praecesserat, nunc autem ducem, & tamquā
praecursorē aliquem nacta crux ipsa resurrectio-
nem sequitur. O admirandam vicissitudinem. Ex
prior itaq. hoc etiam loco verum omnino do-
Matt. 20 mini dictum. Ecce enim nouissimi fuerunt pri-
mi, rursusq. primi fuerunt nouissimi. Quis vi-
cissitudinum atq. alternationum harum causas
explicet? Nec enim, ut in curriculo ac stadio, cur-
sor hic praecurrit, illē tardus posterior fuit.
Quid enim non, ut ante, diuina crux exorians
prior effulsit, sed triduana post illam resurre-
ctio lucem secum ipsa ducens illuxit? Quo itaq.
vsi consilio maiores nostri hanc horum vicissitu-
dinem esse voluerint, equidem pro certo quod
adfirmem, non habeo. Existimamus autem, atq.
hanc

hanc coniecturam ipsi facimus, eos qui longin-
 quis e regionib. ad horum inlustrem adorationē
 diuersi veniunt, hoc prius, illud vero posterius ut
 esset, causam fuisse. Nimirum ut hi prius gratif-
 simum, clarissimumq. resurrectionis diem festū
 postquam egissent, mox beatam crucis exaltatiō-
 nem intuentes, praestantissimo illius comitatu,
 & tamquam optimo, ac salutari quodam viatico
 instructi abeant. Terra crux vna comes currat, ma-
 ri simul etiam nauiget. Eadem ubiq. salutis prae-
 mia concedat, reb. omnib. aduersis liberet, ac re-
 ipsa demonstret, vniuersum terrarū orbem sum-
 ma ipsius ui contineri, crucis esse plena omnia.
 nullo negotio eandem ubiq. praesentem adesse.
 difficili rerum statu, ac tempore fideles eadem
 tueretur atq. conseruat. Praelucet eadem pijs salu-
 tis facem praefrens. insidias omnes atq. hostiū
 consilia frustratur, ac dissipat. Subsistat etiam fortas-
 se alia obscura ratio, quam nouerint, probeq. in-
 tellexerint superiores huius ecclesiae magistri. cu-
 ius profecto nos, qui minimi omnium sumus, fa-
 teri plane ignaros esse, minime pudet. Eius utinā
 Dei beneficio nos olim quoq. gnari simus, nihil
 amplius dubitantes, idq. vestra omnium, qui ma-
 xime fideles estis, utilitatis causa. Quid vobis igi-
 tur his maius sit sollēnibus? aut qui festos hosce
 agentes dies non gaudebimus, non exultabimus?
 Resurrectionis fulgor, lumenq. praefrens cru-
 cis adoratio totius nobis salutis trophaea sunt.
 Haec nos morte, passionib. atq. omni daemonū
 iniuria liberatos, ac redemptos ad Deum adduxit

re. tristitia atq. acerba omnia dispulere. rerum le-
tissimarum nitorem, faciemq. pulcherrimam no-
bis ostenderunt, & quodammodo explicarunt.
An non vitae parens resurrectio nobis ad inmor-
talem vitam benigne aditum patefecit? An non
libertatem, & passionis omnis immunitatem no-
bis crucis ipsius peperit exaltatio? Quae profecto
eadem nos Deo familiares etiam fecerunt, cuius
familiaritatis causa natus, ac nobis omnibus
exortus adfulsit Deus. Festorum igitur horum
vim mysticam non ignorantes, utpote quae nos
& acceptorum beneficiorum admonent, & cur
instituta sint ipsa, declarant, sic in his quoq. cele-
brandis, & colendis nos geramus ipsi, quemad-
modum celebrari se, coliq. eadem postulant. non
Rom. 13. cubilib. & impudicitiiis, non contentionis studio,
 non rebus alijs deniq. quorum numerum, ac no-
mina prudens supprimo. Audacter dicam fr-
 tres verissimi, & eiusdem nobiscum fidei cohero
** idest di-* des, quiq. spirituales hos ** ipsos* fetus vna etiam
es eosdē locupletastis, cum qui se celebrare sic & colere
singulis voluerit, non modo hi videre non sustinent, sed
redeūtes auersantur etiam, exosumq. habent, indigne, mi-
annis. nimeq. ut decuit, secum versantem, odiosa atq.
 indigna omnia perpetrantem. Quamobrem mo-
 neo, atq. hortor ea vos odisse, atq. auersari, quae
 vestra quoq. oderunt sacra; amare uero illa, atq.
 agere quae placere isdem etiam intellegimus.
 placere autem, & voluptatē adferre solent quae-
 cumq. facienti sunt etiam salutaria, quaecumq.
 ad uitam ducunt aeternam. Non ne ad nos haec
 vitam

vitam sine fine, sine occasu lumen ab ipso vsq.
 Christo promicantia miro quodā splendore pro-
 pagarunt? Ergo cum eorum viuendi ratione no-
 stram quoq. commutemus, vitamq. pristinā tur-
 pem vtiq. ac nocentem vertentes in melius, noui-
 tate vitæ placeamus. An non vitæ nobis heredi-
 tatem resurrectio attulit? An non hominem vete-
 rem crux ipsa crucifixit? Ergo vitam amemus no-
 uam. Qua fiet, vt non solum verbis amici simus,
 sed etiam ipsius maxime familiares mystæ. Si-
 uero crucem etiam ipsam amplectimur, quid
 ni passion-es quoq. cum membris ipsis crucifigi-
 mus, vt vna cum Paulo clamemus etiā ipsi, Chri-
 sto confixus sum cruci. viuo autem iam non ego,
 viuut vero in me Christus? Si se igitur in ijs Chri-
 stus viuere testatur, qui se mundo ipsi crucifixe-
 runt, quiq. terrena membra, vt idem Paullus cla-
 rissime testatur, mortificauerunt, quid ni eadem
 omnes facimus, nullumq. non membrum terre-
 num mortificamus, prauos scilicet animi motus,
 prauam concupiscentiam, ceteraq. hoc ipso de
 numero, ac genere mala? Nimirū in nobis Chri-
 stus vt viuatur, vitamq. donet senectutis nesciam.
 Cum omnib. igitur pacem sequamur, qua cum
 nobis pariter sanctificationē paremus. sine quib.
 dominū quisquam, eodem Paulo teste, numquā
 videbit. Quam ob causam vtiq. pax etiam Chri-
 stus dicitur. Ipse enim, inquit, est pax nostra. San-
 ctificatio etiam idem dictus est. Pax, vt pote qui
 pacis alumnam concordiam nobis attulit, terre-
 nis vniens aptansq. caelestia, & ex utrisq. vnum
 eundemq.

*Ephes. 4.**Colos. 3.**Rom. 6.**Gal. 2.**Colos. 3.**Rom. 12.**Heb. 12.**Ephes. 2.**1. Cor. 1.**Ephes. 2.*

eundemq. conuentum atq. ecclesiam faciens. Idem sanctificatio, ac redemptio dicitur. Namq. praeter superiora illa etiam hoc audit, utpote qui captiuorum omnium nostrum redemptor extitit. Neq. vero tantum nos a daemonib. ipsis, prauisq. animi motib. liberauit, sed diuinam quoq. sanctificationem nobis in seuit. quae, si me quidē auditis, omni studio, animiq. contentione sectabimur, quaeremus, rapiemus, ut hac pulcherrima beatissimaq. copulatione apti coniunctiq. Christo cohaereamus. Etenim sic ad se accedentē suū ipsum bonitate ac beatitudine minime prohibet. Age igitur, properemus, atq. hunc nobis cum Christo quasi concentū comparemus. quo nihil est profecto praestantius. utq. in nobis Christus ipse uiuat, quouis pretio nihil cunctati mercemur, atq. curemus. quo nihil est omnino firminus ac stabilis. ut his hic partis diuitiis, caelesti quoq. regno, aeterna inuenta vita, perfruamur, in eodem Christo, & saluatore nostro. cum quo patri, vnaq. cum spiritu sancto gloria, nunc, & semper, & in saecula saeculorum. Amen.

S. PA-

S. PATRIS NOSTRI
CYRILLI ALEXANDRINI
ARCHIEPISCOPI ORATIO

IN PARABOLAM VINEAЕ,
*Simile factum est regnum caelorum
homini patri familias, &c.*

Matt. 20

Achille Statio Lusitano interprete.



VIDISTI, dilectissime, euangeli-
cam domini parabolam; audi uo-
ro nunc etiam, quam quidem ad-
ferre potuimus, eiusdem inter-
pretationem. Magnae huius do-
mus paterfamilias est dominus Deus. Est enim
mundus ipse domus, cuius dominus is, qui cum
condidit, Deus. Vineae vero eius, natura humana;
operarij vineae ipsius, sancti nimirum quicumq.
saluti hominum studentes inseruierunt. Hora pri-
ma, idest tempus, quo Abel, Enoch, Noë, ceteriq.
eorum suppare aetatu fuere. Namq. hae vineae
ipsius primae operae; siquidem Noë primus vi-
neam posuit. Vides ne, quemadmodum hic ope-
rarius vineam coluit? Intellegens igitur intello-
ge. sunt enim verba spiritalia. Ergo hi in tertiam
vsq. horam fecerunt opus. Hora post tertia Abra-
ham, Isaac, & Iacob patrum successerunt aetates.
Etenim salutis nostrae hi quoq. operarij; qui
quod tres numero fuerunt, in sextam vsq. horam
nauauerunt operam suam. Quod deinde tem-
pus

Gen. 9.

- pus horam sextam sequitur, ipse hic adeo meri-
dies est, cum videlicet orbem terrae sol inlustrat
maxime; id est vero tempus legis, cum vere omni-
no verum ipsum lumen Deus noster humanum
Psal. 18. genus inluminavit. Praeceptum enim domini lu-
cidum inluminans oculos. Et rursus. Quoniam
lux mandata tua. Sexta post hora reliquus dein-
de dies medius. Interiectis enim temporibus in-
ter initium creationis, finesq. saeculorum, tum
scilicet de die medio Moyses & Aarō missi. Namq.
secundum legem cultus Dei ad octauam vsq. ho-
ram pertinuit. Nona hora successit aetas ea, quae
spiritum Dei ferentes prophetas tulit. Namq. hi
tamquam operarij boni a patrefamilias quoq.
missi sunt, vt animae nostrae vineam in decimam
vsq. horam colerent. Decimam horam vnigeni-
ti vndecima hora aduentus excepit. Nouissimis
1. Petr. 1 enim temporibus, in consummatione saeculorū
Hebr. 9. venit ad nos filius Dei, Deus verbum. Quemad-
modum autem ab vndecima in duodecimā vsq.
horam reliqua est vna hora nouissima; sic ab ad-
uentu domini in consummationem vsq. ipsam
reliqua vna hora est. Iohannem dicentem audi.
1. Ioh. 2. Filioli, nouissima hora est. Quia vero vineae pa-
terfamilias vndecima hora cum exisset, inuentos
conduxit otiosos; qui tandem sunt otiosi hi? nimi-
rum nos, ex gentibus. Otiosi enim eramus, ac va-
Matt. 20 cui Dei notitia, recteq. factis. Et ait illis, Quid sta-
tis hic tota die otiosi? Totam diem tempus omne
scilicet inter creationem aduentumq. domini in-
teriectum significans. Ad id enim tempus otiosae
plane

plane gentes, Dei prorsus ignarae. Quia nemo, *Ibid.*
inquiunt, nos conduxit. Bonae omnino gentium
mentes, neq. enim eas quisquam conduxerat, nul-
la lex, nulli prophetae. Vnum enim ad Israhel,
non ad gentes illi missi fuerant. Non iniuria igi-
tur dicunt, Quia nemo nos conduxit. Bonus au-
tem pater familias, Ite & uos, inquit, in vineā me- *Ibid.*
am faciundi caussa operis, & quod iustum fuerit
dabo vobis. Otiosi olim fuerunt operarij, nunc
autem opus diligenter facit ecclesia. Opus facit
chorus apostolorum, martyrum, ascetarum, so-
litariorum, virginum sacrarum, continētium, ho-
nestorum coniugum. Vnum omnino denarium,
sed dignum tamen, & quantiuis pretij, accepit ec-
clesia. Potest enim quis breui tempore inpen-
sa opera, vnius horae, perinde opus adferre, ac si ma-
ne opus facere coepisset. Latro hora vna audiuit, *Luc. 23.*
Hodie mecum eris in paradiso. Sed quid illi por-
ro dicant, audiamus. Nos qui portauimus pon- *Matt. 20*
dus, & aestum diei. Vere hoc dicunt. neq. enim
sub lege hi legalis iugi portauerant pondus, sed
opere tamen pares illis fuerunt. Amice, inquit, *Ibid.*
non facio tibi iniuriam. Nullam omnino facit
iniuriam iudex iustitiae. Illud vero, Volo huic da- *Psal. 74.*
re, sicut & tibi; caue putes ad acceptionem perti-
nere personarum, vel gratiae datam mercedem;
sed ita intellege, atq. in eam partem potius acci-
pe. quandoquidē quidquid facimus, quidquid
elaboramus, nihil omnino per se dignum faci-
mus; omnis enim iustitia hominis quasi pannus *Esa. 64.*
menstruatae; totum hoc ipsum gratiam vocauit.
quemadmodum

- Rom. 3.* quemadmodum Paulus ait, Iustificati gratis ipsi-
Ephes. 2 us gratia, & non ex operibus, vt ne quis gloriatur.
Dei enim donum. Non quasi nihil agamus ipsi,
sed quia nihil pro dignitate facimus. Cum enim,
Luc. 17. inquit, feceritis haec omnia, dicite quoniam ser-
ui inutiles sumus. quod debuimus facere, feci-
mus. Panem itaq. pauperi praebes, & regni Dei
Matt. 20 hereditatem cernis. Iam ne vides illud, Volo da-
re? Illud vero alterum, An oculus tuus nequam
est, quia ego bonus sum? Non dixit, Numquid
mali sancti? Verum, Numquid mali estis? Omni-
no enim bonus ex bono. Nec par etiam operi
merces. Tantulum enim opus, merces vero mul-
Matt. 10 ta. Calice frigidae sitientem potasti, percipis au-
1. Cor. 2. tem quae oculus non vidit, auris nō audiuit. Non
Matt. 20 no vides, vt bonus est? Illud vero, Incipiens a no-
Matt. 19 uissimis vsq. ad primos; quoniam scilicet erunt
Osee. 2. primi nouissimi. Et, Vocabo nō populum meum
Rom. 9. populum meum. Et alibi, Cum plenitudo gen-
et II. tium introierit, tunc & omnis Israhel saluabitur,
in IESV Christo domino nostro, cui gloria, &
imperium in saecula saeculorum, Amen.

MARCIANI BETHLEEMITAE
FRAGMENTVM, VT EST IN
VETERI LIBRO ACHILLIS
STATII LVGITANI.

Eodem interprete.



VE MA D M O D V M corporis affli-
ctiones aliae in superficie exstantes
facile cerni possunt, eoq. facilem
curationem admittunt, nec incerta
medentis manū faciunt; aliae
intimae ac penitus abditae dolo-
ris & molestiae plus exhibent, nec curari facile
possunt; sic peccatorum passiones quoq. quibus
caro uicta succubuit, non obscurum utiq. rubo-
rem adferunt, excidiq. cum possint, tolluntur fa-
cile, condonanturq. ac paenitentiae locum relin-
quunt. Verū animi ipsius morbi grauiores sunt,
nec depelli facile possunt, quos suo quisq. consi-
lio retinet, nec confessionis modum rationemq.
recipit. Quis enim vel mente mala praeditum,
vel inuidum, vel fraudulentum, vel inanis gloriae
cupidum, vel elati animi seipsum accusat? Quo
factum est, ut quae minime obscura sunt vitia, lit-
tera prohibuerit, videlicet, Non occides, & cete-
ra. At quae reliqua sunt, spiritus prohibuit illis
verbis, Lauamini, mundi estote, auferte nequi-
tias de animabus vestris. Namq. peccatorū sunt
loci tres. aut enim in saecularibus insunt pecca-
ta, cuiusmodi sunt publicani; aut in carnalibus,
cuius

Exod. 20

Esa. 1.

cuius generis sunt adulteri ; aut in animis insunt
 ipsis hominū, quales sunt Pharisei, quiq. prauo
 animo quiduis agunt. Quo fit vt difficiliores sint
 animi morbi. Saecularia enim, & carnalia pecca-
 ta aliunde accedunt, excidiq. possunt, quare &
 paenitentiae rationē admittunt; animi vero mor-
 bi proficiscuntur intrinsicus, corde nimirū atq.
 animo nati, & idcirco vix curari, aut ne curari
 quidem possunt, quippe qui mentem animumq.
 corrumpunt, indidemq. tamquam ab radice
 pullulant.

F I N I S.

R O M A E
EXCVDEBAT. FRANCISCVS
ZANNETTUS. ANNO
clo. lo. lxxviii.